

廣

雅

疏

證

廣雅疏證卷第四上

高郵王念孫學

釋詁

廢摺施縱實肆捨蕩逸放恣殺鉉署置也

廢者爾雅廢舍也郭璞注云舍放置也宣八年公羊傳注云廢置也方言發舍車也發與廢聲近而義同肆者堯典青災肆赦春秋莊二十二年肆大眚皆謂放赦罪人與置同意故說文云赦置也捨與赦聲義亦同故爾雅云赦舍也舍與捨通蕩逸放恣並同義論語微子篇隱居放言包咸注云放置也殺者曹憲云即古文置鉉者韓詩外傳於此有絺綌五兩敢置之水浦列女傳作願注之水旁是注爲置也注與鉉通莊子達生篇以瓦注者巧淮南子說林訓作鉉是其證也署者說文署部署也謂部分而署置之也楚辭遠遊篇云選署衆神以竝轂

幹擗運遑遑道譴喘移敷攙轉也

幹者楚辭天問篇幹維馬繫漢書賈誼傳幹棄周鼎
王逸如淳注竝云幹轉也天問幹字一作筦匡謬正
俗云幹聲類及字林竝音管擗者玉篇擗轉筦也遑
之言纏繞也楚辭離騷遑吾道夫崑崙兮注云楚人
名轉曰遑九章云欲值個以干際兮價與遑通遑道
者方言道道轉也郭璞注道音換亦音管道猶幹也
淮南子時則訓員而不坑高誘注云坑轉也坑與道
通譴喘者方言譴喘轉也注云譴喘猶宛轉也譴各
本訛作讀今訂
正敷通作易

苗矜專職端緒細業也

苗者爾雅田一歲曰苗郭璞注云今江東呼初耕地
反草爲苗釋文苗本或作苗鄭衆注考工記輪人云
泰山平原所樹立物爲苗漢書溝洫志隤林竹兮捷
石苗顏師古注云石苗謂甬石立之然後以土就填
塞之也是凡言苗者皆始立基業之意苗之言哉也
爾雅哉基始也卷一云業始也此云苗業也義竝相

通吟者方言吟業也郭璞注云謂基業也專職皆主其事之名故爲業也魯語云恃二先君之所職業端緒者爾雅業緒也注云謂端緒緒者史記歷書緒緒日分索隱云緒音宙又如字緒緒者女工緒緝之意言造歷算運者若女工緝而織之是紬爲業也

交贅疑戾撰質撫嘆保隱據刊定也

疑者皋陶謨庶績其疑馬融注云疑定也戾者爾雅戾定止也康誥未戾厥心大雅桑柔篇民之未戾襄二十九年左傳乃猶可以戾傳注竝云戾定也質者爾雅質成也鄭注小司徒云成猶定也是質與定同義大雅抑篇云質爾人民曲禮云疑事毋質皆是也洪範惟天陰騭下民史記宋世家騭作定孔穎達正義云騭即質也撫者說文撫安也安亦定也嘆者爾雅貉嘆安定也郭璞注云皆靜定大雅皇矣篇求民之莫板篇民之莫矣毛傳竝云莫定也嘆莫貉竝通字又作貉說見卷一嘆安也下保者小雅楚茨傳云保安也隱據者方言隱據定也隱又音於靳反說文雪所依據也讀與隱同檀弓其高可隱也鄭注云隱

據也。孟子公孫丑篇隱几而臥，皆安定之意也。僖五年左傳：神必據我。杜預注云：據，猶安也。釋名云：據，居也。居亦定也。刊者，削而定之。今人言刊定是也。

餽餒餒也

餒者說文餒飢也

菱痢痢周與庚壯創痒傷也

菱與殘通。痢音力達反。方言：凡飲藥，傅藥而毒，南楚之外謂之痢。痢，痛也。郭璞注云：謂辛螫也。方言又云：刺，痛也。左思魏都賦云：蔡莽螫刺，昆蟲毒噬。是刺為傷也。刺與痢通。今俗語猶謂刀傷曰刺矣。痢者，銳傷也。說文以爲鐸文銳字。廣韻又此芮切。云：小割也。皆傷之意也。周者，說文周半傷也。昭八年左傳云：民力彫盡。彫與周通。與者，逸周書諡法解云：與，傷也。老子云：五味令人口與。淮南子精神訓云：五味亂口，使口與傷。張衡南都賦云：其甘不與，醉而不醒。庚者，序卦傳云：夷者，傷也。夷與庚通。庚各本訛作庚。今訂正。與

創壯聲竝相近故壯亦爲傷方言凡草木刺人者此
燕朝鮮之間謂之壯注云今淮南人亦呼壯壯傷也
馬融虞翻注易大壯竝云壯傷也淮南子倣真訓形
苑而神壯高誘注與馬虞同創者刃傷也說文乃傷
也或作創月令云命理瞻傷察創是也其創傷之創
亦同義釋名釋疾病篇云創戕也戕毀體使傷也曲
禮云頭有創則沐是也痒者周禮瘍醫注云瘍創癰
也曲禮釋文云瘍本或作痒是痒爲傷也小雅正月
篇胤憂以痒毛傳云
痒病也病亦傷也

投教石搥搥擿也

教者說文教擊也又云杯擊也殺椎擊物也鄭注周
官壺涿氏云涿擊之也案涿謂投擊之也其職云掌
除水蟲以焚石投之是也教杯涿竝通石者新書達
語篇云提石之者猶未肯止是石爲擿也提音都回
反法言問道篇提提仁義音義云提擿也邨風北門
篇王事敦我鄭箋云敦猶投擿也敦與提同邨與擿
同釋言篇云擿石聲義竝相近

黔首氓民也

黔首者說文秦謂民爲黔首謂黑色也周謂之黎民史記秦始皇帝紀更名民曰黔首案祭義云明命鬼神以爲黔首則鄭注黔首謂民也魏策云撫社稷安黔首呂氏春秋大樂篇云和遠近說黔首韓非子忠孝篇云古者黔首悅密愁愚諸書皆在六國未滅之前蓋舊有此稱而至秦遂以爲定名非始皇創爲之也堯典云黎民於變時雍則黎民之稱又不自周始矣

詼嘲諷話誠誕實周調也

詼嘲諷話誠誕實周調也之調諷者說文諷嘲也諷與詼同漢書枚舉傳詼笑類俳倡李奇注云詼嘲也文選東京賦諷謔公於宮室李善注云諷猶嘲也嘲者文選任昉出郡傳舍哭范僕射詩注引倉頡篇云嘲調也漢書東方朔傳云詼嘲而已揚雄傳解嘲文選作嘲嘲嘲並通嘲與調聲亦相近也諷者相欺調也卷二云調欺也釋言云調諷也說文諷誕也謂相欺誕也義並相通話者

縊經闕絞也

衆經音義卷十七引聲類云詁說言也小雅河水箋云訛僞也哀二十四年左傳是憲言也服虔注云憲僞不信言也詁與敖通爾雅謔浪笑敖戲謔也郭璞注云誡謔也謔與敖通爾雅謔浪笑敖戲謔也郭璞注均云敖調弄也箕以敷揚調弄爲象擬者衆經音義卷十二引倉頡篇云謔欺也又引通俗文云大調曰謔周者淮南子原道訓貴其周於數而合於時也高誘注云周調也周調聲亦相近

縊經者說文縊經也絞縊也昭元年左傳縊而弑之杜預注云縊絞也晉語申生雉經於新城之廟韋昭注云雉經頭搶而縣外也釋名云縣繩曰縊縊阨也阨其頸也屈頭閉氣曰雉經如雉之爲也闕者說文闕經繆殺也又云繆縛殺也玉篇繆音力周居由二切絞也漢書外戚傳即自繆外鄭氏注云繆白縊也闕繆繆並通喪服傳塲之經不繆塲鄭注云不絞其帶之垂者義與闕亦相近

新秣教繭黏也

提

新者說文董黏土也徐鉉傳云今人謂水中泥黏者爲董新董並音居隱反其義同也內則塗之以謹塗鄭注云謹當爲瑾瑾塗塗有穰草也瑾與新亦聲近義同豚須相黏著故知塗有穰草也瑾與新亦聲近義同教黏者方言黏教黏也齊魯青徐自關而東或曰黏或曰教爾雅黏膠也郭璞注云膠黏黏也說文黏黏也引隱元年左傳不義不黏今本黏作曜考工記弓人凡昵之類不能方杜子春注云昵或爲黏黏也趙策云膠漆至黏也釋名云糝教也相黏教也黏黏也昵昵並通黏黏教一聲之轉也黏者玉篇黏黏飯也廣韻云黏黏也卷三云糝糝也糝與黏同音糝與黏同義說文官飯剛柔不調相箸也讀若通官與糝亦聲近義同糝者廣韻云糝膠所以黏易今俗語猶然矣說文黍禾屬而黏者也故自新以下七字並從黍糝者玉篇廣韻並云糝黏也音池爾是義二切集韻引廣雅糝黏也今本脫糝字

貴產資財龜貝貨也

令琴敵般制禁也

令者鄭注月令云令謂時禁也琴者白虎通義云琴者禁也所以禁止淫邪正人心也文選長門賦注引七略云雅琴者琴之言禁也雅之言正也君子守正以自禁也說文敘持也讀若琴捨急持衣衿也李鼎祚周易集解引白虎通義云禽者何鳥獸之總名明為人所禽制也是凡與琴同聲者皆有禁義也敵者說文敵禁也爾雅禦圍禁也敵禦圍竝通亦通作御般者玉篇音王今竹甚二切制也廣韻云禁也般與琴同聲般各本訛作般集韻般都咸反引廣雅般禁也今據以訂正

僕疊襞褊桂鞶結誦也

僕疊襞褊鞶結者玉篇引楚辭哀時命衣攝僕以諸與兮今本僕作葉王逸注云攝葉儲與不舒展貌褊音之涉反與爾雅通說文誦詰誦也一日屈襞又云襞褊衣也徐錯傳云鞶猶卷也襞摺疊衣也故禮注謂裙摺為襞積也漢書揚雄傳注云襞疊衣也司馬相如子虛賦云襞積褊縹紵徐委曲襞字亦作辟士喪

禮記裳不辟鄭注云不辟積也大射儀注云爲冪蓋
卷辟綴於綵橫之莊子田子方篇口辟焉而不能言
司馬彪注云辟卷不開也皆詰屈之意也屈與詘通
波者足屈而不伸故亦謂之蹙吳志孫峻傳注引吳
書云留贊與吳桓戰一足被創遂屈不伸曰我屈蹙
在閭巷之間存亡無以異是也衆經音義卷十四引
卑倉云褊褊衣也又引通俗文云褊縫曰褊廣韻摺
摺疊也士昏禮記執皮攝之鄭注云攝猶辟也辟攝
摺並通今俗語猶云摺衣或云疊衣矣呂氏春秋下
賢篇卑爲布衣而不痒攝高誘注云攝猶屈也凡物
申則長詘則短故詘謂之攝辟短亦謂之攝辟素問
調經論篇云虛者聶辟氣不足是也甲乙經作聶辟
聶之言卷曲結之言詰屈也卷一云聶結詘曲也引
之云爾雅革中絕謂之褊郭璞注云中斷皮也革中
褊謂之聶注云復牛分也案革中褊之褊當爲辟字
形相近又蒙上文褊字而誤也據儀禮莊子子虛賦
說文廣雅諸書則凡卷者謂之褊故革中辟謂之聶
若褊乃中分之名與聶屈之義殊無涉也說文革中
褊謂之聶褊字恐是後
人以誤本爾雅改之

複拾增移積壘襲成仍鄭重也

裕者急就爲禮拾複裙袴禪顏師古注云衣裳施
裏曰拾增者說文層重屋也玉篇音自登子登二切
周頌維天之命篇會孫雋之鄭箋云會猶重也老子
云九層之臺起於累土楚辭天問篇云曾增城九重
會層並通移者說文馳重次弟物也漢書武帝紀注
云今俗謂凡物一重爲一馳左思魏都賦兼重性以
馳繆李善注云言既重其性而又累其繆也性與紕
通馳馳竝與移通襲者哀十年左傳卜不襲吉杜預
注云襲重也金縢作習吉坎彖傳云習坎重險也習
與襲通成亦襲也故爾雅云山三襲陟再成英一成
坏周官司儀爲壇三成鄭衆注云三成三重也引爾
雅邱一成為敦邱再成爲陶邱三成爲昆侖邱南山
經成山四方而三壇郭璞注云形如人築壇相累也
或亦重耳士喪禮下篇俎二以成鄭注云成猶併也
併與重義亦相近仍者晉語晉仍無道韋昭注云仍
重也鄭者漢書王莽傳非皇天所以鄭重降符命之
意顏師古注云鄭重猶言頻頻亦重複之意也劉亦
複也說文衡重也衡音憲音復各本脫去衡字其音

內復字又誤入正文集韻引
廣雅初重也今據以訂正

明曙昕昞較發卓離天暍炤耀罔烜晝光顯耿晃俾皎
彰眦曉暉悵視晰昱曠昭晤昀旭徵煒闔陽杲粲炷堂

彰著明也

爽

明者說文朧月未盛之明也朧與明同召詰惟丙午
朧傳云朧明也月三日明生之名漢書律歷志引古
文月采篇云三日曰朧淮南子天文訓曰登于扶桑
爰始將行是謂朧明高誘注云朧明將明也楚辭九
思時朧朧兮且旦注云旦始出光明未盛為朧聲義
竝同也曙者說文曙旦明也文選魏都賦注引說文
作曙管子形勢篇云曙戒勿怠曙之言明著也昭十
一年左傳朝有著定杜預注云著定朝內列位常處
謂之表著魯語云署位之表也曙署著三字聲相近
皆明著之意也昕者說文昕旦明也日將出也土昏
禮記云必用昏昕昕之言昕昕也漢書揚雄傳坐景
炎之昕昕顏師古注云昕昕光盛貌說文昕讀若養

齊風東方未晞毛傳云晞明之始升也晞與昕聲近而義同昞者文選兩都賦序注引倉頡篇云昞著明也革象傳云其文炳也炳與昞同較之言皎皎也史記伯夷傳云此其尤大彰明較著者也發者齊風載驅篇齊子發夕韓詩云發旦也楚辭招魂娛酒不廢沈日夜些王逸注云不廢或曰不發發旦也引小雅小宛篇明發不寐且亦明也商頌長發篇元王桓撥韓詩撥作發云發明也下文云明發也是發與明同義卓與下晬字通卓之言灼灼也說文倬著大也大雅棫櫟篇云倬彼雲漢爲章于天韓奕篇有倬其道韓詩作晬法言吾子篇云多見則守之以卓卓倬倬並通離者說卦傳云離也者明也萬物皆相見南方之卦也聖人南面而聽天下嚮明而治蓋取諸此也夫之言炎炎也說文引小雅節南山篇憂心炎炎今木作憂心如惓韓詩作如炎說文炎火炏上也方言天明也憂心如惓韓詩作如炎故與明同義凡詩言憂心烈憂心奕奕憂心惓惓耿耿不寐如有隱憂之類皆其義也說文觀察視也讀若嫌現與天亦聲近義同炤與照同炤者說文炤炤也讀若嫌現與天亦聲近義同江淹雜體詩注引倉頡篇云炤大明也炤之言宣明

廣雅疏證

卷第四上

七

也。衛風淇澳篇赫兮咺兮。毛傳云：咺，威儀宣著也。韓詩作宣。云：宣，顯也。大學作嘒。爾雅作烜。並字異。而義同。畫者，晉象傳云：明出地上，晉離卦傳云：晉，畫也。是畫為明也。耿者，王逸注離騷云：耿，明也。立政云：以觀文王之耿光。見之言煌煌也。釋言云：見，暉也。說文：暉，明也。釋名云：光，見也。言煌煌也。見，與暉同。小雅：皇皇者華。傳云：皇皇，猶煌煌也。釋文：煌又音晃。秦策云：炫燿於道。漢書：揚雄傳云：北嶺幽都，並字異。而義同。俾讀為閫。閫，經音義卷二十三引：廣雅：正作閫。繫辭傳：而微顯闡幽。韓伯注云：閫，明也。呂氏春秋：決勝篇云：隱則勝。閫矣。微則勝。顯矣。公羊氏春秋：決勝篇云：取謹及俾。左氏穀梁氏並作閫。是閫與俾通。皎者，王風：大車篇云：有皎皎。日陳風：月出篇云：月出皎皎。皎，皦並通。彰者，鄭風：女曰雞鳴篇云：明星有爛。爛與彰通。皦，曉者，方言：皦，曉明也。暉之言奕奕也。方言：暉明也。譯見也。小爾雅：數明也。洪範曰：圉，史記：宋世家：圉作涕。集解引鄭氏書注云：圉者，色澤而光明也。齊風：載驅篇：齊子豈弟。鄭箋云：此豈弟，猶言發夕也。豈，讀當為閫。弟，古文尚書以弟為圉。圉，明也。爾雅：惜悌發也。發，亦明也。司馬相如封禪文：昆蟲閫澤，亦是發。

明之意猶言熱也昭蘇耳王延壽魯靈光賦赫燿
燿而燿坤李善注云燿燿光明貌何晏景福賦云
鎬鎬鏐鏐赫奕章灼集韻引字林云煖火光也是凡
與燿同聲者皆充明之意也燿各本說作燿今訂正
煖者衆經音義卷十二引倉頡篇云煖明也漢書王
莽傳云煖眊不深說文厂明也厂深並與煖通斷之
言明哲也說文昭晰明也洪範明作哲大傳及漢書
五行志並作哲小雅小旻篇作哲哲祭法瘞埋於泰折鄭
也鄭本作遺云讀如明星哲哲祭法瘞埋於泰折鄭
注云折炤哲也張衡思元賦雖司命其不測並字異
而義同昱之言燿燿也釋訓云昱昱明也說文昱日
明也太元元告篇云日以昱乎晝月以昱乎夜淮南
子本經訓云燿昱銘眩照燿燿煌煌說文煜燿也義與
昱同曠者說文曠明也鄒陽獄中上梁王書云獨觀
於昭曠之道莊子天地篇云上神乘光與形滅亡此
之謂昭曠昭曠與昭曠同晤之言寤也說文晤欲明
也引鄒風柏舟篇晤辟有標今本作寤關雎傳云寤
覺也寤與晤通晤之言灼灼也說文灼明也中庸云
小人之道的然而日出的與晤同旭之言皓皓也說
文旭日旦出兒讀若好一日明也鄒風匏有苦葉篇

旭日始旦毛傳云旭日始出謂大昕之時周頌載見
篇休有烈光鄭箋云休者休然盛壯休與旭亦聲近
義同徵之言證明也各本說作徵考諸書無訓徵爲
明者廣韻集韻並云徵明也中庸杞不足徵也昭三
十年左傳且徵過也鄭杜注並云徵明也今據以訂
正焯者說文焯明也引鄭語焯燿天地今本作淳假
借字也楚辭九歌畷將出兮東方注云謂日始出其
容畷畷而盛大也義亦與燿同揚雄羽獵賦光純天
地純與焯亦聲近義同閻之言開明也說文閻開也
爾雅愷悌發也舍人李巡孫炎郭璞皆訓愷爲明詩
作豈弟封禪文作閻懌並字異而義同說文豈高燥
也昭三年左傳請更諸爽塏者方言塏照也義與閻
並相近陽者說文陽高明也陽谷字與陽通果之言
毛傳云陽明也堯典曰陽谷字與陽通果之言皎皎
也說文果明也衛風伯兮篇云果杲出日管子內業
篇云杲乎如登於天孟子滕文公篇曰杲乎不可尚
已趙岐注云皜皜甚白也義與杲相近聚者小雅伐
本篇於聚洒埽毛傳云聚鮮明貌大東篇聚聚衣服
傳云聚聚鮮盛貌娃者方言娃明也說文云娃讀若
同又云炯光也小雅無將大車篇不出于煩毛傳云

類光也。炷，炯，類，竝聲近而義同。說文：炷，從火圭聲。玉篇：音口迺。圭，二切。爾雅：燭，明也。燭，古讀若圭，亦與炷聲近。義同堂之言。堂，堂也。論語：子張篇：堂堂乎張也。鄭注云：言容儀盛也。廣韻引白虎通義云：堂之爲言明也，所以明禮義也。釋名云：堂，猶堂堂，高顯貌也。爽者，說文：爽，明也。篆文作爽。大誥云：爽，邦由哲。說文又云：昧，爽旦明也。牧誓言昧爽。鄭風：言昧旦。吳語言昧明，其義一也。衆經音義卷九引廣雅：爽，明也。今本脫爽字。

滄漚冷洞清垺凍卒寒也

倉者，說文：滄，寒也。又云：滄，寒也。逸周書：周祝解云：天地之間有倉熱，列子：湯問篇云：滄滄涼涼，靈樞經：師傳篇云：衣服者，寒無悽愴，暑無出汗，食飲者，熱無灼灼，寒無滄滄，竝字異而義同。寒謂之滄，亦謂之淒，悲謂之淒，亦謂之愴，義相近也。故祭義云：霜露既降，君子履之，必有悽愴之心，非其寒之謂也。漚，與下清字通。說文：漚，冷寒也。又云：清，寒也。曲禮云：冬溫而夏清。莊子：人間世篇云：嬰無欲清之人。觀清，清竝通。冷，各

本說作冷今訂正洞者說文洞滄也率者方
音洋寒也郭璞注云洋猶淨也洋與卒通

惟圖誦議慮惓計聽媒謀也

惟圖慮者爾雅惟圖慮謀也圖各本訛作國衆經音
義卷二十五引廣雅圖議也計也今據以訂正惓者
方言惓謀也媒者說文媒謀也謀合二姓也周
官媒氏注云媒之言謀也謀合異類使和成者

尊緣遵躔逡逡循也

此釋遵循之義也各本循下脫去也字遂與下裸裔
方外旌表也合爲一條集韻類篇並引廣雅尊表也
則宋時廣雅本已脫去也字考尊緣以下六字諸書
皆訓爲循無訓爲表者今據以補正尊者玉篇尊循
也緣者玉篇緣循也循與循通莊子養生主篇緣督
以爲經李頤注云緣順也釋名云順循也急就篇鍼
縷補縫綻紖緣皇象本作箴縷補袒縫緣循躔逡者
方言躔逡循也日運爲躔月運爲逡呂氏春秋圖道
篇云月躔二十八宿逡亦遵也哀三年左傳外內以
校杜預注云校大也漢書公孫宏傳有功者上無功

襮者不可不衣也
下云當引五伯以系其
襮之義性曰字此義云
子之義十矣同說文
心之義若衣襮之義
之字字衣襮有衣
之義當不家注此通
諸注言覽之義為
義也之義毛詩衣
襮者衣也衣襮者
云衣素表朱

者下則羣臣送李奇注云言有次第也王莽傳云後
儉隆約以矯世俗史記游俠傳遠遼有遐讓君子之
風漢書作循循揚雄傳穆穆肅肅如也顏師古
注云躡躡行有節也並字異而義同揖者卷一云揖
順也說文揖撫
也又云撫循也

襮裔方外旌表也

襮者呂氏春秋忠廉篇臣請為襮班固幽通賦張脩
襮而內退曹大家及高誘注並云襮表也襄三十一
年左傳不敢暴虐暴與襮聲近而義同應風揚之水
篇素衣朱襮毛傳云襮領也易林否之師云揚水潛
繫使石絮白衣素表朱遊戲皋沃皆約舉詩辭則三
家詩必有訓襮為表者矣裔方者文十八年左傳投
諸四裔四裔猶言四方四方猶言四表是裔方
皆表也旌者莊二十八年左傳云且旌君伐

疆釋困苦終竟外窮也

疆之言竟也幽風七月篇萬壽無疆毛傳云疆竟也
釋者說文數終也數與釋通疆釋皆終窮之名故魯
詩作充登

廣雅釋義云思無疆思無教廣雅釋義云思無窮義本諸此也餘見下文釋終也下外者大戴禮易本命篇云化窮數盡謂之

矯餘盈也

各本皆作矯餘盈匪勿非也案矯餘盈三字義與非不相近各本盈下脫也字故與下匪勿非也混爲一條今補正徧考諸書矯盈二字無訓爲非者惟玉篇云餘非也而經傳皆無此訓蓋後人依誤本廣雅增入不可引以爲據矯讀當如歸奇于扚之奇矯者殘餘之數故殘矯二字並從夕說文夕列骨之殘也又云曠殘田也廣韻曠矯奇三字並居宐切其義同也盈亦餘也語之轉耳漢書食貨志云蓄積餘贏後漢書馬援傳云致有盈餘盈與贏通食貨志云操其奇贏日游都市太元有踣贊贏贊義亦與矯盈同矯餘盈三字同義故云矯餘盈也

匪勿非也

大雅靈臺篇經始勿亟鄭箋訓勿爲非匪勿非一聲之轉

羸程徒楊袒也

羸者說文羸袒也僖二十三年左傳欲觀其裸王制羸股肱釋文羸本又作羸大戴禮天圓篇唯人爲裸句而生也史記陳丞相世家裸而佐刺船竝字異而義同羸之言露也月令中央土其蟲倮卽注云象物露見不隱藏虎豹之屬恆淺毛荀子贊賦有物於此倮倮兮其狀楊倮注云倮倮無毛羽之貌義竝與羸同羸各本訛作羸今訂正程者說文程袒也孟子公孫丑篇云雖袒楊裸程於我側程之言呈也方言禪衣無袞者趙魏之間謂之程衣義亦相近也徒與袒一聲之轉也韓非子初見秦篇云頓足徒楊韓策云秦人捐甲徒程以趨敵楊者說文楊袒也凡去上衣見楊衣謂之楊或謂之袒楊玉藻裘之楊也見美也內則不有敬事不敢袒楊是也其去衣見體亦謂之袒楊卽風大叔子出篇袒楊暴虎爾雅云袒楊肉袒是也袒與袒同

葬葬窳窳都塾伏窳屨屏宗匿指拚鎔摩寢與寥藏也

秘輯輶

葬者檀弓及呂氏春秋節喪篇竝云葬也者藏也白虎通義云葬之爲言下藏之也葬字或作埋同窳窳者說文窳地藏也窳窳也藏與藏同考工記匠人困窳倉城劉昌宗音古孝反月令穿窳窳呂氏春秋作窳窳窳聲相近古多通用窳之言與也莊子齊物論篇縵者窳者密者司馬彪注云窳淡也窳之言寥寥淡也廣韻窳又音力嘲切文選長笛賦庫窳巧老李善注云淡空之貌塾者下之藏也方言埋塾下也凡柱而下曰埋屋而下曰塾皋陶謨下民昏塾鄭注云昏沒也塾陷也窳者爾雅窳微也郭璞注云微謂逃藏也襄二十一年左傳云無所伏窳屨之言隱也義見卷一衣隱翳也下衣與屨通屏者金縢我乃屏壁與珪傳云屏藏也王褒洞簫賦云處幽隱而與屏兮屏與屏通小雅桑扈傳云屏蔽也爾雅屏謂之樹李巡注云以垣當門自蔽名曰樹義亦同也宗者說文宗藏也引顧命陳宗赤刀今本作寶禮器云家不寶

竈不藏圭，襄十一年左傳云：毋保茲母，禹慝，宗保寶。並通。搢拚，鎔摩者，方言：搢拚，鎔摩，藏也。荆楚曰搢，吳揚曰拚，周秦曰鎔，陳之東，鄆曰摩，搢猶拚也。方俗語有侈敘耳。廣韻：搢，手覆也。覆亦藏也。今俗語猶謂手覆物為搢矣。大戴禮：曾子制言篇云：君子鎔在高山之上，漢澤之污，聚椽栗藜，藿而食之，生耕稼以老。十室之邑，是鎔為藏也。考工記：弓人強者在內，而摩其筋，鄭注云：摩，猶隱也。隱亦藏也。寢，今通作寢，寢者人所寢息，故為藏也。宮有寢廟，有寢，其義一也。與之言幽也。爾雅：西南隅謂之與，孫炎注云：室中隱與之處。堯典云：厥民與，韓詩外傳云：窺其戶，不入其中，安知其與藏之所在？文選：蕪城賦注：引倉頡篇云：與，藏也。與與，與通。寥者，莊子知北遊篇云：油然漻然，莫不入焉。漻，與寥通。韜者，玉篇：廣韻竝云：韜，藏也。周頌：時邁篇：載囊弓矢。毛傳云：囊，韜也。字亦作綯。南宮綯，字容，是其義也。韜者，論語：子罕篇：韜匱而藏，諸馬融注云：韜，藏也。玉篇：引廣雅：祕藏也。莊子：天地篇：釋文及文選：潘岳：寡婦賦注：顏延之：五君詠注：謝朓：齊敬皇后哀策文注：竝引廣雅：韜，藏也。文賦注：引廣雅：韜，藏也。今本脫祕韜韜三字。

黻純批閱數也

黻者方言說文並云黻數也郭璞云偶物爲麗故云數也大雅文王篇其麗不億毛傳云麗數也麗與黻通純者引之云召南羔羊篇素絲五純素絲五絨素絲五總毛傳云純數也絨縫也總數也絨訓爲縫本於爾雅蓋取界域之義今案三章文義寔不當如爾雅所訓純絨總皆數也五絲爲純四純爲絨四絨爲總五純二十五絨五絨次言五總也西京雜記載鄒長倩言五純次言五絨次言五總也而京雜記載鄒長倩遺公孫宏書曰五絲爲緝倍緝爲升倍升爲絨倍絨爲紀倍紀爲纓倍纓爲緇曲風九罏釋文云纓字又作總然則絨者二十絲總者八十絲也孟康注漢書王莽傳云纓八十縷也史記孝景紀令徒隸衣七纓布正義與孟康注同晏子春秋雜篇云十總之布一豆之食說文作稷云布之八十縷爲稷正與倍紀爲纓之數相合純之數今失其傳案釋文云純本又作佗春秋時陳公子佗字五父則知五絲爲純卽面京雜記之緝矣批閱皆謂數之也批讀爲揲著之揲繫辭傳揲之以四以象四時釋文云揲猶數也漢書揚

雄傳捷之以三策捷與捷同逸周書世俘解世亦與
捷同謂數俘也襄二十五年左傳云數俘而出是也
桓六年左傳云大閱簡車馬也襄九年傳商人閱其
禍敗之數杜預注云閱猶數也史記高祖功臣侯表
云明其等曰伐積日曰閱說文探閱持也閱具數於
門中也徐鍇傳云具數一一數之也是閱與探皆具
數之意集韻探或作拙故拙閱皆
訓為數也拙各本訛作拙今訂正

占讖檢證讖也

讖經傳通作驗占者繫辭傳云極數知來之謂占讖
者說文讖驗也賈誼鴈鳥賦云讖言其度檢亦讖也
漢書食貨志云考
檢厥實檢與檢通

緝緝總括結也

緝者說文緝結不解也楚辭九章云氣縑轉而自緝
緝者說文緝結也釋訓云結緝不解也漢書息夫躬
傳心結縑兮傷肝楚辭九思心結緝兮折摧縑與緝
通莊子徐無鬼篇頡滑有實向秀注云頡滑錯亂也

顏滑與結緝義亦相近總者衛風氓篇總角之宴毛傳云總角結髮也楚辭離騷總余轡乎扶桑王逸注云總結也括者坤六四括囊虞翻注云括結也禮言括髮亦是也

爐 赴豕材也 僞

爐者說文爐竦身也又云靖竦立也一日有才爐靖二字相承訓亦相近是爐得為才也才與材通說文爐讀若詩曰糾糾葛屨爐與赴聲義竝同赴者說文赴輕勁有才力也周南兔置篇云赴赴武夫赴曹憲音糾各本脫去赴字其音內糾字又誤入正文今補正豕者繫解傳豕者材也韓伯注云材才德也豕言成卦之材以統卦義也僞者說文僞高也春秋鄭公孫僞字子產一字子美皆才之意也說文趨善緣木之才也左思吳都賦趨材悍壯義與僞亦相近僞趨一聲之轉也眾經音義卷四卷十四竝引廣雅僞才也今本脫僞字

雙耦婬匹孿息曰貳棗船再兩二也

贈祿贈贈遺齋送也

煙者方言築煙匹也煙耦也郭璞注云今關西兄弟婦相呼為築煙耦亦雙也說見卷三釐草健顧匹耦
驥也下乘者方言飛鳥曰雙鴈曰乘周官校人乘馬
郎注云二耦為乘凡經言乘禽乘矢乘壺乘韋之屬
義與此同也膳者方言膳雙也南楚江淮之間曰膳
郭璞音膳月令乃合累牛騰馬鄭注云累騰皆乘匹
之名騰與膳通玉篇膳又音以證切說文膳物相增
加也一日送也副也徐鍇傳云古者一國嫁女二國
往膳之膳之言送也副貳也義出於此膳膳膳聲義
亦同膳與乘聲又相近也膳各本訛作勝今訂正

贈祿贈贈者士喪禮云君使人祿又云公賁又云知
外者贈知生者贈鄭注云祿之言遺也賁所以助主
人送外也贈送也賁之言補也助也荀子大略篇云
貨財曰賁與馬曰賁衣服曰祿玩好曰賁玉貝曰賁
賁賁所以佐生也贈祿所以送外也太平御覽引春
秋說題辭云賁之為言助也賁之為言覆也贈之為
言稱也祿之為言道也齋者說文齋持遺也
周官小祝設道齋之奠鄭注云齋猶送也

摠辰奮摠初禹需綏舒也

摠舒聲相近淮南子脩務訓注云摠舒也楚辭九章云據青冥而摠虹兮史記司馬相如傳摠之無窮徐廣音義云摠一作臚爾雅云舒敘也臚敘也義並相通奮者豫象傳云雷出地奮豫豫亦舒也洪範曰豫恆煥若鄭王本及史記漢書並作舒摠者說文摠舒也揚雄勸秦美新云摠之罔極大元元難云元者幽摠萬類而不見其形者也漢書揚雄傳有首衝錯測摠瑩數文摠圖告十一篇蕭該音義云劉向別錄摠作舒字林云摠舒也音丑支反義與摠同史記老子韓非傳善屬書離辭指事類情離亦與摠同謂舒辭也正義云猶分析其辭句失之禹舒聲相近說文蹢疏行兒張衡而京賦奎蹢盤桓薛綜注云奎蹢開足也蹢與禹聲近而義同白虎通義云冬音羽羽之爲言舒萬物始孳也釋名云雨羽也如鳥羽動則散也義與禹竝相近禹猶雨也集韻引呂靜說云北方謂雨曰霤綏者安之舒也說文久行遲曳久久也義與綏相近綏舒又一聲之轉

僭覘擬也

僭

僭者說文僭擬也僭與擬通覘之言儀象也太元元覘云覘擬也僭者玉篇僭虛偃切擬也廣韻云手約物也集韻類篇並引廣雅僭擬也今本脫僭字

獐猾獐獐獐也

滑者卷三云猾亂也亂亦獐也獐獐獐聲並相近說文獐獐獐也獐犬獐獐吠也

媼媼恇怯也

媼者說文媼疾言失大也讀若媼媼者方言媼媼也齊楚之間曰媼媼郊特牲云大夫強諸侯媼媼與媼通媼與怯亦聲近義同故釋名云怯媼也見敵恐媼也媼曹憲音媼各本媼訛作媼音內媼字又訛作黃今訂正恇者說文恇怯也素問通評虛實論云尺虛者行步恇然禮器眾不匡懼鄭注云匡猶恐也匡與恇通

嬪娭侮獲婢也

娭者說文娭卑賤名也廣韻引倉頡篇云婦人賤稱也侮獲者方言臧甬侮獲奴婢賤稱也荆淮海岱雜齊之閒罵奴曰臧罵婢曰獲齊之北鄙燕之北郊凡民男而皆婢謂之臧女而婦奴謂之獲亡奴謂之臧亡婢謂之獲皆異方罵奴婢之醜稱也秦晉之閒罵奴婢曰侮郭璞注云侮言爲人所輕弄也案獲者辱也卷三云獲辱也墨子小取篇云獲人也愛獲愛人也臧人也愛臧愛人也

縣縣暴綴及瑣系牽連也

暴義見下文暴纏也下各本訛作暴今訂正

棍粹兼并集合稽醜共同也

棍粹醜者方言醜棍絳同也宋衛之閒曰絳或曰棍東齊曰醜周語混厚民人韋昭注云混同也棍與棍通王褒洞簫賦云棍其會合粹之言萃也說文醉會五采綴也漢書司馬相如傳絳雲蓋而樹華旗顏師

古注云、粹、合也、合五采、雲以為蓋也、王逸注、離騷云、至美曰純、齊同曰粹、粹、粹、竝通、醜之言、騷也、孟子公孫丑篇云、今天下地醜德齊、稽者、堯典曰、若稽古帝堯、鄭注云、稽、同也、儒行、古人與稽、鄭注云、稽、猶合也、韓非子、主道篇云、係吾所以往而稽同之、

了闕已訖也

闕者、文選七命注、引倉頡篇云、闕、訖也、燕禮云、主人荅拜而樂闕、

黠竊姦私也

黠、竊者、方言、黠、私也、郭璞注云、皆冥闇、故為陰私也、竊者、王逸注、離騷云、竊愛為私、莊十年左傳、自雩門竊出、謂私出也、論語述而篇、竊比於我老彭、謂私比也、衛靈公篇、臧文仲其竊位者與、亦謂私為己、有非盜竊之謂也、姦者、說文、姦、私也、

聰聆聵聵聵聵許聽也

顛引字林云搢拊沒也廣韻云搢拊按物水中也說文搢沒也廣韻音烏困烏沒二切今俗語謂內物水中爲搢正與烏沒之音相合說文顛內頭水中也音烏沒切義與搢同拊者玉篇拊搢也搢音而主而誰而專而劣四反說文搢染也周官大祝六曰搢祭鄭取注云搢祭以肝肺菹搢鹽醢中以祭也公食大夫禮作捩義同漢書司馬相如傳割鮮染輪李奇注云染搢也顏師古注云搢搢也

謏詬羞媿顛鄙恥也

謏詬者昭二十年左傳余不忍其詢定八年左傳公以晉詬語之杜預注竝云恥也大戴禮武王踐阼篇云口生詬詢詬竝與詬同說文謏詬恥也荀子非十二子篇云無廉恥而忍謏詢呂氏春秋誣徒篇云不可謏詬遇之漢書賈誼傳云隄詬恥節竝字異而義同詬各本訛作話今訂正類者恒九三云不恒其德或承之羞貞吝吝與類通鄙者楚辭九章君子所鄙王逸注云鄙恥也

諺譯膚禪傳也

諺者說文諺傳言也譯者王制云五方之民言語不通嗜欲不同達其志通其欲東方曰寄南方曰象而方曰狄鞮北方曰譯方言譯傳也說文云傳譯四夷之語者膚者說文膚籀文臚字晉語風聽臚言於市韋昭注云臚傳也莊子外物篇云大儒臚傳漢書叔孫通傳大行設九賓臚句傳蘇林注云上傳語告下為臚下告上為句韋昭注云大行掌賓客之禮今之鴻臚也應劭注百官表云鴻臚者郊廟行禮讚九賓鴻臚傳之也周官司儀旅擯鄭眾注云旅謂九人傳辭旅臚古通用廣韻駉力居切傳馬也駉與臚同聲傳車驛馬皆取傳遞之義故傳宣謂之臚亦謂之譯傳遠謂之驛亦謂之駉傳舍謂之臚亦謂之旅亦謂之驛其義並相通也

誦諱語議話詁叱曰言也

誦者孟子公孫五篇為王誦之趙岐注云誦言也諱之言倅倅也玉篇諱瞋語也詁者說文詁故言也叱

者爾雅訛言也訛與訛通

誦証譏諍諭諄諫也

証者說文証諫也呂氏春秋誣徒篇復過自用不可証移高誘注與說文同鄭注周官司諫云諫猶正也正與証通譏者楚辭天問殷有或婦何所譏王逸注云譏諫也諍者陳風墓門篇歌以諷止釋文訊本又作諍徐息倅反韓詩云訊諫也楚辭離騷騷朝諍而夕替王逸注與韓詩同小雅雨無正篇莫肯用訊訊亦與諍同訊字古讀若諍故經傳多以二字通用或以訊為諍之訛失之

訓誨諷誥譏校勸學教也

風者詩序云風風也教也風以動之教以化之風與誦通誦者說文誦專教也校者孟子滕文公篇設為庠序學校以教之校者教也學與數同盤庚敷于民學記引兌命云學學半

崩頓偃仆趨趨臥僵也

崩者鄭注曲禮云自上顛壞曰崩白虎通義云崩之
為言惻然伏僵頓之言委頓也淮南子道應訓云趨
則頓走則顛僵什者說文僵僵也什頓也賁賁也賁
與什同爾雅云連什也又云焚賁賁也賁賁也賁賁
云賁前覆也僵卻僵也定八年左傳顏高奪人弱弓
籍邱子鉏擊之與一人俱焚僵且射子鉏中頰殪杜
預注云焚什也正義云吳越春秋云迎風則僵背風
則什什是前覆僵是卻倒此顏高被擊而什轉而仰
且射子鉏从言其善射也案對文則僵訓為僵什訓
為焚散文則什亦訓為僵故說文又云賁僵也秦策
云頭顛僵什是也趨者爾雅棧木干木注云殪木也
江東呼木賂賂與趨聲近義同臥之言委也今俗語
猶云僵臥矣

怳癘狗瘡僑狎獍倂狂也

怳之言怳忽也說文怳狂之兒也癘之言忽也說文
癘狂走也讀若欸桓五年公羊傳戕也何休注云戕
者狂也齊人語義與癘同瘡之言顛也素問腹中論
石藥發瘡芳草發狂王水注云多喜曰瘡多怒曰狂

字通作顛急就篇痛痼顛疾狂失喪顛師古注云顛疾性理顛倒失常也。痼之言痼也。揚雄勸秦美新云。臣嘗有顛胸病。義與痼痼相近。痼者廣韻云。痼星狂病也。僞者急就篇注云。顛疾亦謂之狂。猛矣。動作也。說文。趙狂走也。漢書揚雄傳。拊夔而扶猛狂。孟康注云。猛狂惡鬼也。僞趙猛並同義。又與痼聲相近也。斯者說文。斯狂犬也。引襄十七年左傳。斯犬入華臣氏之門。今本作痼。呂氏春秋。晉時篇云。鄭子陽之難。獬狗潰之。馬融廣成頌云。獄智熊扶封豨。北山經云。可以己癩。並字異。而義同。獬者說文。獬狔犬也。徐鉉傳云。獬猶驍也。玉篇。獬狔狗也。俚者說文。俚犬也。徐鉉仲尼燕居云。譬猶譬之無相與。俚俚乎其何之。

訂評圖謀慮議也

否弗例批不也

皆一聲之轉也。例者廣韻。例不肯也。批者方言。批不知也。郭璞注云。今淮楚閒語呼聲如非也。曹憲云。彼比俱得方語。有輕重耳。例即不肯之合聲。批即不知之合聲。說文。批不成栗也。義亦與批同。

姦宄竊盜也

說文姦私也宄姦也外爲盜內爲宄盜自中出曰竊文十八年左傳云竊賄爲盜盜器爲姦魯語云竊寶者爲軌用軌之財者爲姦成十七年左傳及晉語並云亂在外爲姦在內爲軌軌與宄通姦宄竊盜訓雖不同理實相貫學者不以辭害意可也

魑愼忌畏恐也

魑者卷二云惶魑恐懼也說文愼惶也既濟象傳云終日戒有所疑也雜記五十不致毀六十不毀七十不飲酒食肉皆爲疑外鄭注云疑猶恐也大戴禮曾子立事篇云君子見善恐不得與焉見不善者恐其及己也是故君子疑以終身魑疑疑三字聲近義同

暴綯纒繞綯繆給絡繫纏也

暴者說文暴約也上文云暴連也廣韻云靴暴子纏連者暴之言拘也今俗語云銅梳是其義也玉篇銅

以鐵縛物也。說文：暴，直轅車轡縛也。義並與暴同。暴，各本訛作暴。今訂正。統之言結也。各本訛作統。集韻：類篇並引廣雅：統，纏也。今據以訂正。綱，縹者。說文：綱，縹也。縹，泉之十絜也。一曰：綱，縹。楚辭：九歌：薛荔拍兮。蕙網。王運注云：綱，縛束也。莊子：庚桑楚篇：內獲者不可縹而捉。崔謨注云：縹，綱也。唐風：綱，縹。篇：綱，縹束。薪，幽風：鴉鵲篇：綱，縹。關戶毛傳：鄭箋並云：綱，縹。猶纏絲也。給者，說文云：絲，勞即給。縹，音古丁反。漢書：司馬相如傳：名家苛察，縹繞如淳注云：縹繞，猶纏繞也。與縹同。

駕陵載乘也

駕載者，敍經音義卷二十二引三倉云：載，曰乘。馬曰駕。

惠愛恕利人仁也

愛利者，莊子天地篇云：愛人利物之謂仁。昭二十年左傳：古之遺愛也。遺愛，猶言遺仁。恕者，賈子道術篇云：以己量人謂之恕。說文：恕，仁也。敍經音義卷二引聲類云：仁，心度物曰恕。大戴禮：衛將軍文子篇云：方

長不折恕也漢書匡衡傳云大王躬仁而郊國貴恕是恕與仁同義人者釋名仁也仁生物也開元占經人占篇引春秋說題辭云人者仁也以心合也又引宋均注云與他人相偶合也中庸仁者人也鄭注云人讀如相人偶之人以人意相存問之言表記仁者人也注云人謂施以人恩也引成十六年公羊傳曰執未有言舍之者此其言舍之何人之也今本作仁仁與人同義故古書以二字通用又案公羊傳此其言舍之何仁之也曰在招邱惓矣何休注云惓悲也仁之者若曰在招邱可悲矣閔錄之辭是傳言仁之即悲閔之意也呂氏春秋論人篇哀之以驗其人即仁也仁與恕同義故哀閔人謂之仁亦謂之恕孔子問居云無服之喪內恕孔悲是也

遜徐舒逋訥疏鈍遲也

遜者文選舞賦黎收而拜李善注引倉頡篇云遜徐也遜與黎通凡言黎者皆遲緩之意史記高祖紀沛公乃夜引兵還黎明圍宛城三市漢書作遲明顏師古注云圍城事畢然後天明明遲於事故曰遲明案

遲明猶比明也言高祖夜引軍還至城下比及天明
已圍城三匝耳非謂圍城事畢然後天明也史記衛
將軍傳遲明行二百餘里漢書作會明會即比及之
意遲黎古同聲字亦作黎徐廣注呂后紀以黎明為
比明其說是也倍二十三年左傳待我二十五年不
來而後嫁史記晉世家待作黎義相近也說文黎怠
也怠與待愁與遲義亦相近遲與逌同徐各本皆作
徐惟影宋本皇甫本本作徐案說文徐安行也徐緩也
今從影宋本皇甫本逌者郭璞注南山經引記曰條
風至出輕繫督逌而淮南子天文訓作去楷而逌是逌
為遲也訥者論語里仁為美君子欲訥於言而敏於行
包咸注云訥遲鈍也疏者高誘注淮南子說林訓云
疏猶遲也數猶疾也祭義云祭不欲數數則煩煩則
不敬祭不欲疏疏則怠怠則怠楚辭九歌云疏緩節
兮安歌

韞管閣暮夜也

凡日入以後日出以前通謂之夜故夕時亦謂之夜
堯典云夙夜出內朕命是也韞者玉篇韞夜也引鄭

吻昧晦颺冥也

風將有災篇中謂之言今本作蕤釋文引韓詩云中
蕤中夜謂淫僻之言也漢書文三王傳聽聞中蕤之
言音灼注云蕤魯詩以為夜也管之言夕也哀四年
左傳為一管之期襲梁及霍杜預注云夜結期明日
便襲梁霍也列子周穆王篇管管夢為國君張湛注
云管管夜夜也莊子天運篇通管不寐釋文云管夜
也其夕時亦謂之管故夕管古通用左氏春秋莊七
年夏四月辛卯夜恆星不見穀梁夜作管云日入至
於星出謂之管楚辭大招注引小雅頌弁篇樂酒今
管今本作夕皆是也周官膳人掌乾肉鄭注云膳之
言夕也義亦相近閭者祭義夏后氏祭其閭鄭注云
閭啓時也又禮器逮閭而祭謂未明時也呂氏春秋
具備篇使民間行若有嚴刑於旁高誘注云閭夜也
暮之言冥漠也字本作莫說文莫日且冥也從日在
井中夕莫也從月半見夜舍也天下休舍也從夕亦
省聲召南行露箋云夜莫也是夕夜莫三字同義

吻之言荒忽也說文習尚冥也漢書郊祀志吻與顏
師古注云未明之時也司馬相如傳習爽闇昧習與

學意寤寤校覺也

吻同說文吻目冥遠視也義亦相近曉之言暗也說文曉不明也爾雅曉問也郭璞注云暗然冥貌中肅云間然而曰章荀子不苟篇云是姦人將以盜名於曉世者也曉暗闇並通曉之言皆替也說文曉其也

倚豎建封殖蒔置墜企起立也

學意寤寤寤為覺悟之覺梗為覺然正直之覺學者說文教覺悟也篆文作學白虎通義云學之為言覺也以覺悟所不知也淮南子說山訓人不小學不大迷文子上德篇學作覺意寤聲義並同說文寤臥驚也廣韻云睡一覺也害與寤同亦通作悟梗之言剛也爾雅植梗直也方言梗覺也緇衣引詩有恪德行今詩作覺毛傳云覺直也覺與恪通梗覺一聲之轉今俗語猶云梗直矣

倚者說卦傳參天兩地而倚歟虞翻注云倚立也蜀才作倚義同楚辭九辯云滄容與而獨倚封與建殖同意傳言封建封殖是也殖蒔置聲近而義同方言樹植立也燕之外郊朝鮮洲水之間凡言置立者謂

倖怨悻慤忤忼吝懟憾復悵也

品隄耕侔等珣珉嬋嬋斷琕洒齊也

品者。檀弓云。品節斯斯之謂禮。是品爲齊也。侔者。墨子小取篇云。侔也者。比辭而俱行也。說文。侔。齊等也。

考工記輸人云權之以砥其輕重之作也漢書司馬
相如傳通作牟考者說文云鐫鐫齊也齊語鐫本肇末韋
昭注與說文同鐫說文又云鐫鐫齊也釋言云專齊也
義並與鐫同鐫取矢捆之鐫注云捆齊等之也廣韻
也大射儀既拾取矢捆之鐫注云捆齊等之也廣韻
砭齊頭兒方言砭砭鮮好也南楚之外通語也鮮絜
卽整齊之意故說卦傳云齊也者言萬物之絜齊也
列子力命篇釋文引字林云砭齊也說文砭齊也荀
子君道篇云斗斛敦樂者所以爲絜也絜與鐫通說
文又云鐫齒相值也字通作鐫定九年左傳晉鐫而
衣狸製杜預注云鐫齒上下相值也釋名云鐫齒也
下齊肩鐫然也又云鐫齒上下相值也釋名云鐫齒也
又云冊鐫也敕使整鐫不犯之也並聲近而義同文
選長笛賦重嗽增石簡積類砭李善注引字林云砭
齊也李周翰注云顏砭石齊頭貌顏砭與咽同砭
積與婢嬭聲亦相近斷者說文斷截也斷與劓聲近
而義同今人狀物之齊曰斬齊是其義也砭音初六
初角二反王篇砭等也齊也漢書申屠嘉傳鞮鞮廉
謹旗固古注云鞮鞮持整之貌後漢書中山簡王傳
官騎百人解砭前行李賢注云稱砭猶齊整也義並

與是同今俗語猶謂整齊為整現聲如捉洒音蘇典
反王藥受一爵而色洒如也鄭注云洒如肅敬貌周
語云姑洗所以脩絮百物堯典鳥獸毛毯傳
云毯理也毛更生整理洒洗毯義並相近

稟奉稟祿也

稟者說文稟賜穀也中庸云既稟稱
事稟者史記伯夷傳云義不食周粟

諄憎諛毒病忤患勦瘁苦也

諄憎諛毒者方言諄憎所疾也宋魯凡相疾惡謂之
諄憎若秦晉言可惡矣康誥罔不懲傳云人無不惡
之者慙與諄聲近而義同方言憎憚也郭璞注云相
畏憚也相畏憚即相患苦故諄憎又為苦也說文候
妒也一曰毒也或作嫉秦誓云冒疾以惡之玉篇諛
毒苦也諛候嫉疾並通故疾又為疾苦矣周官醫師
聚毒藥以共醫事鄭注云毒藥藥之辛苦者小雅小
明篇云心之憂矣其毒大苦病與疾同義故為苦也
呂刑云人極于病卷三云憎畏憚病難也又云畏慙
患憚嫉毒憎惡也釋言云毒憎也此云諄憎諛毒病

礦梗犢丁亢姜羌強也

患苦也義並相通核者說文核苦也衆經音義卷十
二引通俗文云患愁曰核韓非子存韓篇云秦之有
韓若人之有心腹之病也虛處則核然若居濕地著
而不去以極走則發矣說文該字注云讀若心中滿
該義與苦竝相近勛瘁者兩雅勛瘁勞也邶風谷風
篇既詒我肄小雅雨無正篇莫知我勛毛傳竝訓爲
勞勞與苦同義肄與勛通勛各本作勛乃隸書之訛
今訂正說文瘁勞病也小雅大東篇哀我憚人小
篇憚我不暇毛傳竝云憚勞也釋文憚丁佐反大雅
雲漢篇我心憚暑釋文憚毛丁佐反韓詩云憚苦也
憚與瘁通轉音則爲畏憚之憚故
鄭箋以憚暑爲畏暑義得兩通也

礦者說文礦大礦礦不可附也文選齊故安陸昭王
碑文疆民疆俗李善注引韓詩云礦彼淮夷漢書敘
傳云礦礦亡秦滅我聖文礦與礦通大雅江漢篇武
夫流流聲義亦相近也梗之言剛也方言梗猛也韓
趙之間曰梗楚辭九章梗其有理兮王逸注云梗強
也漢書王莽傳云絳侯杖朱虛之鰓鰓與梗通丁者

史記律書云丁者言萬物之丁壯也白虎通義云丁者強也月令其曰丙丁鄭注云夏時萬物皆炳然著見而強大亢者說文健亢也漢書宣帝紀亢健習騎射顏師古注云亢強也史記秦始皇紀適戍之衆非抗於九國之師漢書陳勝傳作亢亢亢抗竝通亢與梗聲亦相近也

脊顧對陽面皆印嚮也

面嚮爲面首嚮爲首禮言東面而南北面及北首東首皆是也印與仰通

恡恡恡恡恡恡也

恡者說文恡謹也謹與僅通卷一云恡敬也義與恡同恡者說文恡謹也謹與僅通卷一云恡敬也義與恡同本脫去恡字其五介反之音遂誤入恡字下考說文玉篇廣韻集韻類篇恡字俱不音五介反說文恡五介切玉篇五拜切集韻類篇牛戒切云恡謹也五拜牛戒竝與五介同音今據以補正恡者說文恡謹也質者後漢書吳漢傳云斤斤謹質形於體貌

勑勑勑勑勑也

勑

勑者玉篇勑勑也小雅小明篇瞻瞻懷顧亦殷勑之意也勑者廣韻勑川力也玉篇引倉頡篇云吳乞乞也吳與勑聲近而義同勑者衆經音義卷一引埤倉云勑力作也莊子天地篇云捐捐然用力甚多晏子春秋雜篇云乞乞然不知厭王褒聖主得賢臣頌云勞筋苦骨終日矻矻竝字異而義同勑者衆經音義卷七引字書云勑勑也古通作力各本勑字誤在仿字之上衆經音義卷一引廣雅勑勑也今據以訂正勑者說文勑勞勑也爾雅勞來勑也勑勑也大雅下武篇昭茲來許鄭箋云來勑也史記周紀武王曰日夜勞來定我面土墨子尚賢篇云坐其股肱之力而不相勞來皆謂勑也孟子滕文公篇放勑曰勞之來之亦謂聖人之勑民也來與勑通凡相恩勑亦謂之勑小雅大東篇職勞不來毛傳云來勑也正義云以不被勞來爲不見勑故采薇序云杕杜以勑歸卽是勞來也衆經音義卷十二卷二十二竝引廣雅勑勑也今本脫勑字

彙禳禱禱謝也

彙者說文彙數祭也各本訛作彙今訂正禳者說文禳禱祀除癘殃也禱者說文禱告祭也禱者說文禱告事求福也賕者眾經音義卷二十一引倉頡篇云載請曰賕字亦作求呂刑惟貨惟來釋文來馬本作求云有請賕也漢書薛宣傳賕客楊明蕭該音義引韋昭注云行貨財以有求於人曰賕說文賕以財枉法相謝也謝亦告也晉灼注漢書張耳陳餘傳云以辭相告曰謝

六月初二日申刻點竟星日酷暑課所派教習庶吉士到者十二人留飯始去內白銘

朱葉六以事未至懸為夾竹桃願五思連珠五言詩八韵

廿四日午校竟然起

廣雅疏證卷第四上

磬揚雄甘泉賦云登長平兮雷鼓磬磬與磬同合言之則曰研磬曰砮磬上林賦研磬匐磬司馬彪注云皆水聲也司與砮聲近義同設者說文設擊空聲也徐鍇傳云謂器外無隙而內空擊之聲設然也玉篇磬鼓聲也義與設同磬者說文磬石聲也思元賦云伐河鼓之磬磬釋名云雷如轉物有所磬雷之聲也磬者張衡南都賦砮入軻軻李善注云波相激之聲也也磬者釋訓云軻軻聲也衆經音義卷八引通俗文云雷聲曰磬召南云殷其雷枚乘七發云匐隱匐何晏景福殿賦云聲匐匐其若震並字異而義同合言之則曰砮磬衆經音義卷八引埤倉云砮磬大聲也楚辭九懷云鈺寶遷兮砮磬鈺者樂記云鐘聲鏗論語先進篇鏗爾舍瑟而作孔傳云鏗者投瑟之聲論衡說日篇云石質輕然說文輶車輶釧聲也讀若庚切集韻又七羊切說文鏗輶輕義同鏗者玉篇音楚采芑篇八鸞鸞鸞釋文鸞本亦作鏗庭燎篇作將大雅丞民篇作鏗鏗樂記非聽其鏗鏗而已也史記樂書言之則曰鏗鏗義並同鏗者玉篇胡航切集韻又胡光切作鏗鏗聲義並同鏗者玉篇胡航切集韻又胡光切

說文鍾鍾聲也琤玉聲也琤小兒聲也爾雅琤琤樂也方言琤音也周頌執競篇云鍾鼓琤琤小雅斯干篇云其泣琤琤呂氏春秋自知篇云鍾況然有音馬融廣成頌云鍾鍾鎗鎗長笛賦云鍾鎗營囑並字異而義同鍾者說文鍾金聲也琤玉聲也說苑雜言篇云干將鍔鎗拂鍾不鍾琤琤義同玲瓏者說文玲玉聲也玲與瓏一聲之轉說文瓏笮也笮之轉爲瓏猶玲之轉爲瓏合言之則曰玲瓏倒言之則曰瓏玲瓏固東都賦蘇鑿玲瓏李善注引埤倉云玲瓏玉聲也范望注太元唐次三云瓏玲金玉之聲也法言五百篇云瓏玲其聲者其質玉乎釋訓云鈴鈴聲也齊風盧令令毛傳云令令瓏瓏聲也漢書天文志云地大動鈴鈴然廣韻瓏大聲也義與玲瓏並相近嘈者王延壽夢賦云雞知天曙而奮羽忽嘈然而自鳴又魯靈光殿賦耳嘈嘈以失聽李善注引埤倉云嘈嘈衆聲也玉篇引埤倉云嘈耳鳴也義與嘈同哢者嘈之轉也荀子勸學篇云問一而告二謂之噴噴與哢同合言之則曰嘈哢長笛賦注引埤倉云嘈哢聲貌張衡東京賦云奏嚴鼓之嘈獻周天大象賦云河鼓進軍以嘈噴長笛賦云嗽咋嘈哢並字異而義同

託引通俗文云微風曰展展者劉達蜀都賦注引離
騷云靡展風兮上征又引班固注云展疾也馬融廣成
展也又徒刀切大風也展者玉篇展小風也

繕綴衲輓釘絢茜鞞鞞襞補也 著

繕者說文繕補也月令云繕固固綴者方言云楚謂
綴結也又云檐榆以布而無緣敝而鞅之謂之檻樓
自闕而而謂之杭楮其敝者謂之綴注云綴縫納敝
故之名是綴為補也衲者釋言云鞅納也納與衲通
亦作內今俗語猶謂破布相連處為衲頭論衡程村
篇云納縫之工不能織錦漢書路溫舒傳上奏畏卻
則綴練而局內之周內謂密補其罅隙也晉灼注以
內為致之法中失之輓者廣韻輓輓履也又云輓連
也輓與輓同釘者廣韻音當經都挺二切說文釘補
履下也徐鍇傳云今履底下以線為結謂之釘底是
也案釘之言相丁著也今俗語猶云補丁矣茜者說
文茜曰艸補缺也各本茜訛作箇集韻類篇並有箇
字云以自補缺也則宋時廣雅本已訛作箇凡從艸
實惟疏登

從竹之字，隸書往往訛混，撰集韻者不知是正，因文生訓而類篇已下諸書遂仍其誤。今據說文玉篇廣韻訂正，韜者廣韻補履也，韜者玉篇韜履具飾也，廣韻云補韜也，爾雅釋草釋文引字苑云韜其履底，著之言相丁著也，釋言云著納也，士禮記冠六升外釋鄭注云釋謂縫著於武也，衆經音義卷二引廣雅著補也，今本脫著字。

擣盜倚放寄任附依也

擣者方言精依也，郭璞注云謂可依倚之也，說文海中往往有山可依止曰島，義與擣相近也，盜者廣韻音口苔切至也，依也，又苦蓋切，船著沙也，義與依亦相近，盜各本作濫，乃隸書之訛，衆經音義卷十九引廣雅濫依也，今據以訂正。

幾戩總紗糸紉緇微也

幾之言幾希也，繫辭傳云幾者動之微，皋陶謨云惟幾惟康說文儀精詳也，幾小食也，司馬相如大人賦

云阻唯芝英兮戕璣華衆經音義卷九引字林云璣
小珠也玉篇璣鉤逆鉞也淮南子說林訓云無璣之
鉤不可以得魚方言云鉤自關而西或謂之鐵郭璞
音微是凡言淺者皆微之義也尾者說文尾微也釋
名與說文同云承脊之末稍微殺也史記律書云南
至於尾言萬物始生如尾也堯典鳥獸蓐尾史記五
帝紀作微論語微生高漢書古今人表作尾尾微聲
義並同族古書以二字通用總紗系紉細皆絲之微
也總之言恍惚紗之言眇眇小也孫子算經云蠶所吐
絲爲忽十忽爲秒總忽紗秒並通說文秒禾芒也史
記太史公自序問不容翾忽正義云翾當作秒秒禾
芒表也忽一釐口出絲也漢書敘傳造計秒忽劉德
注云秒禾芒也忽蜘蛛網細者也皆微之義也顧命
云眇眇予末小子億九千九百九十年左傳云以是藐諸孤方
眇眇也又云秒小也凡木細枝謂之秒郭璞注云言
秒梢也爾雅管小者謂之箴說文眇一目小也又云
藐眇桃蟲也爾雅釋鳥注作鷦鷯周頌小毖篇肇允
彼桃蟲揜飛維鳥毛傳云桃蟲鷦鷯也鳥之始小終大
者陸駿疏云今鷦鷯是也鷦鷯之變韻爲鷦鷯又爲鷽
鷽皆小貌也文選長笛賦雉眇睢離李善注以雉眇

爲合目。睢維爲開。目是凡言眇者皆微之義也。糸者說文糸細絲也。又云。覲小見也。玉篇糸覲並音匹狄切。其義同也。紉之言蔑也。廣韻引倉頡篇云。紉細也。君與茲迪。彝教文王。蔑德。鄭注云。蔑小也。正義云。小謂精微也。逸周書祭公解追學於文武之蔑。孔晁注云。言追學文武之微德也。法言學行篇云。視日月而知衆星之蔑也。仰聖人而知衆說之小也。卷二云。懞小也。周語。鄭未失周典。王而蔑之。是不明賢也。韋昭注云。蔑小也。蔑與懞同。今人謂小視人爲蔑。視或曰眇。視或曰忽。視義與忽同。紉並同。法言先知篇云。知其道者其如視忽。眇紉作眇。忽眇絲。即忽紗。紉故漢書嚴助傳。越人繇力薄材。孟康曰。繇音滅。玉篇。繇面小也。說文。繇。越人也。方音江淮。陳楚之內。謂木細枝爲蔑。注云。蔑小貌也。衆經音義卷十。引埤倉云。蔑析竹膚也。字通作蔑。顧命敷重蔑席。鄭注云。蔑析竹之次青者。玉篇。鷓鴣。鷓也。亦通作鷓。方音桑飛。自關而面或謂之鷓。鷓注云。即鷓鴣也。又名鷓鴣。鷓言微鷓也。廣韻。鷓小也。鷓與鷓同。即鷓鴣之轉也。荀子勸學篇。南方有鳥焉。名曰蒙鳩。楊倞注云。蒙鳩鷓鴣也。蒙亦蔑之轉。蒙鳩猶言蔑雀。爾雅。鷓鴣。鷓鴣文選。甘

泉賦注引孫炎注云蟲小於蚊是凡言蔑者皆微之
義也。麼之言靡也。衆經音義卷七引三倉云麼微也。
列子湯問篇江浦之閒有麼蟲張湛注云麼細也。鵬
冠子道端篇云任用么麼漢書敘傳又況么磨尚不
及數子。鄭氏注云磨小也。文選作麼李善注引通俗
文云不長曰么細小曰麼。方言秦晉謂布帛之細者
曰靡靡與麼聲近而義同。

特賣髮髻斯髻髻也

髻者說文髻髻也。髻髻者說文髻屈髮也。方言云髻
頭偏者謂之髻帶。或謂之髻帶。又云覆結謂之幘巾。
或謂之覆髻。郭璞注云髻亦結也。結與髻通。字或作
髻。又作紒。髮各本訛作髮。今訂正。髻者說文髮髻
也。士喪禮婦人髻于室。鄭注云髻者去笄纚而紒也。
髮之異於髻髮者既去纚而以髮爲大紒。如今婦人
露紒其象也太平御覽引禮記外傳云髮者開散之
名也。鵬斯者問喪親始外難斯。鄭注云難斯當爲笄
纚。聲之誤也。親始外去冠三日乃去笄纚。括髮也。今
時始喪者邪巾。邪頭并纚之。紒象也。士喪禮注云始

舛將斬衰者舛纓將齊衰者骨舛而纓士冠禮注云纓今之續
梁廣一幅長六尺以韜髮而結之髻與髻同二徐本
說文皆有髻字無髻字髻字注云髻結也古拜切徐
鉉本髻字收入新附云古通作結此字後人所加案
曹憲云說文髻即髻字髻字太平御覽引說文云髻
結髮也則是說文原有髻字而髻即髻之重文士冠
禮將冠者采衣紒鄭注云紒結髮也古文紒爲結紒
之或作結猶髻之或作髻今本說文髻字訓爲髻結
乃後人所改徐鉉不察反以髻字爲後人所加誤矣
玉篇髻字注云結髮也髻字注云同上此皆本於說
文其下文云說文古拜切髻結也則陳彭年等以誤
本說文竄入者耳髻
各本說作髻今訂正

敢軛弧紉拂珍狼狽韞也

敢者說文敢戾也戾與韞通敢與違通餘見釋訓敢
慍乖刺也下軛者說文軛車戾也字通作匡考工記
輪人則輪雖敝不匡鄭衆注云匡枉也枉亦戾也說
文云獸皮之韞可以束枉戾相違背是也管子輕重

甲篇云弓弩多匡軼者枉謂之匡故正枉亦謂之匡
孟子滕文公篇云匡之直之義有相反而實相因者
皆此類也說文尤越曲脰也古文作𠂔𠂔與匡亦聲
近義同孤者考工記軼人云軼欲孤而無折楚辭七
諫邪說飾而多曲兮正法孤而不公王逸注云孤
也聖鐵論非鞅篇云孤刺之鑿雖公輸子不能善其
柄漢書五行志注云睽孤乖刺之意也孤與孤聲近
義同紉紉者說文紉紉繩也楚辭離騷紉秋蘭以爲佩
注云紉索也顏師古注急就篇云索謂切撚之令緊
也是紉戾之意也佛者說文佛還也引微子佛其耆
長顧六二云拂經于邱學記云其求之也佛漢書五
行志引京房易傳云君臣故弼茲謂悖竝字異而義
同珍者玉篇音火典切引戾也方言軼戾也郭璞注
云相了戾也江東音善考工記弓人老牛之角珍而
簪鄭眾注云珍讀爲珍縛之意也孟子告子篇珍珍
恒向戾反角絞縛之意也孟子告子篇珍珍劉徒展反許
奪之食趙岐注云珍戾也音義珍張音軼又徒展切
淮南子原道訓扶搖珍抱羊角而上高誘注云珍抱
了戾也珍讀與左傳感而能珍者同釋訓云軼軼轉
戾也竝聲近而義同狼戾語之轉說見卷三狼戾很

也

肖似類鼎象也

鼎者鼎象傳鼎象也虞翻注云六十四卦皆觀象繫辭而獨於鼎言象何也象事知器故獨言象也

膠獾狡詵鼯獾也

膠者方言江湘之間謂獾為膠郭璞注云恐何多智也格交反列子力命篇膠何情露釋文引阮孝緒文字集略云恐何伏態貌恐與膠同方言膠詐也涼州西南之間曰膠義與膠亦相近狡者微經音義卷三引方言云凡小兒多詐而獾謂之狡獾昭二十六年左傳云無助狡獾詵者說文詵詵也淮南子脩務訓越人有重遲者而人謂之詵詵高誘注云詵輕秒急疾也漢書敘傳江都詵輕顏師古注云詵謂輕狡也鼯者小雅巧言篇躍躍鼯兔毛傳云鼯兔狡兔也

剖辟片胖半也

料好斟酌也

皆一聲之轉也。剖者，裹十四年左傳與女剖分而食之。杜預注云：中分為剖。片，肝半聲，並相近。說文：片，判木也。從半，木。爾雅：革中絕謂之辨。探炙注云：辨，半分也。又桑辨有甚，梃舍人注云：桑，樹牛有甚，牛無甚，名梃。釋文：辨，辨並音遍反。與片同。說文：肝，牛體肉也。士禮云：脂左肝。臠，服傳云：夫妻肝合也。周官：媒氏掌萬民之判。鄭注云：判，半也。主合其牛，成夫婦也。莊子：則陽篇：雌雄片合。釋文：片，音判。義並與肝同。

斟者，小雅大東傳云：挹，斟也。賓之初筵篇：賓載手仇。鄭讀仇為斟，謂手挹酒也。張衡思元賦：斟白水以為漿。舊注云：斟，酌也。士冠禮注云：勺，尊斗，所以斟酒也。禮大記釋文云：斟，水斗也。引何氏隱義云：容四升，斟水斗謂之斟。猶酌酒斗謂之勺矣。灼者，說文：灼，酌也。斟，酌二姓也。孟子：滕文公篇云：媒酌之言。

曰吹惟執母雖兮者其各而易豈也乎些只詞也

曰者，說文曰：詞也。吹，亦曰也。字或作聿，又作適。班固幽通賦：聿中餘為庶幾兮。曹大家注云：聿，惟也。漢書

敘傳作吹爾雅釋親注引詩聿嬭于京今詩作日穆
天子傳注云聿猶日也毛鄭詩考正云案文選注引
韓詩薛君章句云聿辭也春秋傳引詩聿懷多福杜
注云聿惟也皆以爲辭助詩中聿曰通三字互用禮
記引詩聿追來孝今詩作通七月篇曰爲改歲釋文
云漢書作聿角弓篇見覲日消釋文云韓詩作聿傳
於歲聿其莫釋之爲遂於聿脩厥德釋之爲述箋於
聿來胥宇釋之爲自於我征聿至聿懷多福通駁有
聲道求厥寧通觀厥成通追來孝並釋之爲述今考
之皆承明上文之辭耳非空爲辭助亦非發語辭而
爲遂爲述爲自緣辭生訓皆非也說文吹註詞也從
欠從日曰亦聲引詩吹求厥寧然則吹蓋本文省作
日同聲假借用聿與通詮詞者承上文所發端詮而
釋之也執各本訛作飢今訂正說文執讀若載鄭風
載馳傳云載辭也箋云載之言則也石鼓文執而執
北執與載通故文選面征賦注引薛君韓詩章句云
載設也廣雅釋言篇云執設也周頌載見傳云載始
也玉篇云執始也各當爲若若隸或作若與各相近
故訛而爲各若而一聲之轉皆語詞也些者爾雅釋
詁釋文云些語餘聲也見楚辭招魂只者說文只語

己詞也。各本詞下脫去也。字遂與下條相連。今補正。

沫既央極已也

沫者楚辭離騷芬至今猶未沫招魂身服義而未沫王逸注竝云沫已也引之云魏風陟岵篇行役夙夜無已行役夙夜無寐寐謂為沫無沫猶無已也央者小雅庭燎篇夜未央鄭箋云猶言夜未央央也釋文引說文云央已也楚辭九歌爛昭昭兮未央注與說文同極者唐風揚羽篇曷其有極鄭箋云極已也

夷吞氐絕止消威滅也

夷者小雅正月篇赫赫宗周褻如威之毛傳云威滅也

恬佚憺怕恬慕宋垞安情靜也

恬者方言恬靜也說文恬安也吳語今大夫老而又不自安恬逸韋昭注與方言同佚與下憺字通字或作澹又作淡韋經音義卷九引倉頡篇云佚恬也說文佚安也又云憺安也莊子刻意篇云淡而無爲知

北遊篇云澹而靜乎荀子仲尼篇云倏然見管仲之
能足以託國也淮南子傲真訓云蜂螫螫指而神不
能憺怕者說文怕無爲也老子云我獨泊兮其未兆
司馬相如子虛賦云怕乎無爲憺乎自持泊與怕通
合言之則曰恬倏曰憺怕老子云恬澹爲上莊子肱
傖篇云恬倏無爲揚雄長楊賦云人君以澹泊爲德
恬者玉篇恬服也靜也傳四年公羊傳云卒帖荆帖
與恬通慕音亡客亡各二反說文慕宋也爾雅貉靜
也又云貉嗅安定也郭璞注云皆靜定爾雅又云漠
清也小雅楚茨篇君婦莫莫毛傳云莫莫言清靜而
敬至也大雅皇矣篇貊其德音傳云貊靜也昭二十
八年左傳引詩作莫云德正應和曰莫杜預注云莫
然清靜莊子知北遊篇云漠而清乎呂氏春秋胥時
篇云飢馬盈廐嗅然未見芻也竝字異而義同宋者
方言宋靜也江湘九疑之閒謂之宋說文宋無人聲
也或作誅又云嗽嗅也繫辭傳云寂然不動楚辭大
招云湯谷宋只竝字異而義同合言之則曰宋慕說
文嗅嗽嗅也慕外宋慕也文選西征賦注引薛君韓
詩章句云寂無聲之貌也冥靜也莊子天道篇云寂
漠無爲楚辭九辯云蟬宋漠而無聲淮南子傲真訓

云虛無寂寞竝字異而義同炳猶怙也語有輕重耳
玉篇乃篋切云炳莫也漢書嚴助傳天下攝然人安
其生孟康注云攝安也音奴協反莊子田子方篇愁
然似非人郭象注云寂泊之至也釋文愁乃煤反炳
攝愁聲義竝同莊子達生篇輒然忘吾有四枝形體
也釋文輒丁協反輒然不動貌輒與炳亦聲近義同
情者白虎通義云情者陰之化也情者靜也靜與情
古同聲而通用表記穴而靜靜或為情逕周書官人
解情忠而寬大
載禮情作靜

靈子醫靈覲巫也

靈子巫覲者楚語云民之精爽不憊貳者而又能齊
肅衷正其知能上下比義其聖能光遠宣朗其明能
光照之其聰能聽徹之如是則明神降之在男曰覲
在女曰巫故巫謂之靈又謂之靈子說文靈靈巫已
玉事神從玉需聲或從巫作靈春秋楚屈巫字子靈
楚辭九歌東皇太一靈偃蹇兮姣服王逸注云靈謂
巫也易林小畜之漸云學靈三年仁聖且神明見善
祥吉喜福慶九歌雲中君靈連蜷兮既留一本靈下

有子字王注云靈子巫也楚人名巫為靈子觀或通
作擊荀子王制篇云相陰陽占祲兆鑽龜陳卦主攘
擇五上知其吉凶妖祥偃巫跛擊之事也然則古者
卜筮之事亦使巫掌之故靈筮二字竝從巫楚辭離
騷命靈氛為余占之靈氛猶巫氛耳醫亦為巫者周
官巫馬之職云掌養疾馬而乘治之相醫而藥攻馬
疾海內西經開明東有巫彭巫抵巫陽巫履巫凡巫
相火冥窻之尸皆操不火之藥以距之郭璞注云皆
神醫也引世本云巫彭作醫楚辭天問化為黃熊巫
何活焉王逸注云言鯀死後化為黃熊入於羽淵豈
巫醫所能復生活是醫即巫也巫與醫皆所以除疾
故醫字或從巫作醫管子權修篇云好用巫醫太元
元數篇云為
醫為巫祝

攬捺刺鐵銳也

攬者說文鐵銳也太元元鑑云銳鏃鏃竝與攬通又
說文刺刺也刺砭刺也史記扁鵲傳鐵石橋引索隱
云鐵謂石針也廣韻鐵吳人云翠鐵也說文噉噉也
史記天官書云天機長四丈末兌漢書司馬相如傳

嶄巖參差顏師古注云嶄巖尖銳貌是凡言攬者皆銳之義也銳兌古通用捺者廣韻作捺音他胡切銳也玉篇捺音太加切刺木也淮南子兵略訓云刻斲茶奮擗鏤以當脩戟強弩茶與捺通刻者爾雅刻利也說文云銳利也小雅大田篇以我覃耜毛傳云覃利也繫辭傳刻木為柂斲木為矢釋文竝作拔聘禮記云圭刻上寸半史記蘇秦傳云鈇戈在後竝字異而義同刻訓為銳故又訓為鋒晉語大壑大亂之刻也郭璞注云言鐵峻集韻引廣雅作鈇今俗作尖

拔拂榜挾押翼輔也

拂讀為弼爾雅弼輔備也郭璞注云備猶輔也管子四稱篇云近君為拂遠君為輔拂與弼同榜者說文榜所弓輔弓弩也楚辭九章有志極而無殂王逸注云殂輔也殂與榜通榜輔一聲之轉榜之轉為輔猶方之轉為甫殂之轉為溥矣挾者說文挾押持也古通作夾押者孟子公孫丑篇相與輔相之丁公著本相作押音甲引廣雅押輔也押挾聲相近

一、牙口

碯

巉巖岑崟嶙峋岬嶢阨窳嵯峨頽隤翫隤陷捩卮喬

厲野極競彌尚崕高也

巉巖者說文巉巖石也小雅漸漸之石維其高矣釋
文漸亦作巉說文巖岸也巖石山也小雅節南山篇
維石巖巖釋文巖本或作巖合言之則曰巉巖說文
巖巖巖也宋玉高唐賦云登巉巖而下望兮楚辭招
隱士云谿谷巖巖兮水橫波淮南子覽冥訓云熊羆
甸甸邱山巖巖並字異而義同轉之爲崕崕方言崕
高也爾雅山小而高崕孟子告子篇可使高於崕樓
趙岐注云崕樓山之銳嶺者釋名云崕巖也巖然
也崕巖聲相近故呂氏春秋審已篇齊攻魯求崕鼎
韓非子說林篇作譏開譏與崕皆言其高也說文巖
崕也又云崕山巖也讀若吟億三十三年穀梁傳云
必於散之巖陰之下楚辭招隱士崕崕礧礧兮上音
欽下音吟又云狀貌崕崕兮崕崕張衡思元賦云冠
崕崕其映蓋兮合言之則曰崕崕說文崕山之崕崕
也漢書司馬相如傳崕崕參差史記作崕崕揚雄傳
玉石崕崕蕭該音義引字詁云崕崕古文崕字張衡南
都賦幽谷崕崕上音崕下音吟嵇康琴賦崔嵬崕崕
並字異而義同又轉之爲巉巉高唐賦云盤岸巉巉

楚辭九歎登嶠以長企兮王逸注云嶠銳山也又轉之爲嶢嶢莊子徐無鬼篇君亦必無盛鶴列於麗譙之間郭象注云麗譙高樓也釋文譙本亦作嶢漢書趙充國傳爲壑墨木樵顏師古注云樵與譙同謂爲高樓以望敵也方言嶢高也說文堯高也在土之高也揚雄甘泉賦云直嶢嶢以造天兮河東賦云陟西岳之嶢嶢合言之則曰嶢嶢揚雄解難云泰山之高不嶢嶢則不能淖瀡雲而散歆烝班固而都賦云內則別風之嶢嶢說文焦嶢山高兒並字異而義同阨者說文兀高而上平也阨石山戴士也劉達注蜀都賦云五岷山名一山有五重在越嶲引揚雄蜀都賦五岷參差馬融長笛賦云兀婁犛鬣郭璞江賦云巨石砒硤以前卻並字異而義同嵬者說文嵬高不平也爾雅石戴士謂之崔嵬周南卷耳篇云陟彼崔嵬崔嵬亦嶢嶢之列子湯問篇云嵯峨兮若泰山台兒又云硤石巖也列子湯問篇云嵯峨兮若泰山台言之則曰嵯峨說文嶢嶢也楚辭招隱士云山氣龍提兮石嵯峨爾雅峩者屋屬釋文屋屬本或作嵯峩並字異而義同嵯之言嵯嶢嶢之言嵯嶢楚辭七諫俗吟峨而嵯嵯嵯吟嵯嶢爲疊韻吟峨嵯嵯爲雙

聲也。類類者，類與曉同義。說文：類，高長頭也。王延壽
魯靈光殿賦云：類類頽頽而睖睖。玉篇：類，高大也。衛風
碩人：篇碩人敖敖。毛傳云：敖敖，長貌。莊子：大宗師篇
譬乎其未可制也。郭象注云：高放而自得。爾雅：狗四
尺爲葵。說文：駮，駿馬也。竝與類同義。合言之，則曰類
類。說文：類，類高也。類類猶類類耳。蔡邕者，南都賦云：嵒
嵒刺李善注：引廣雅：嵒，高也。爾雅：大笙謂之巢。鄉
雖嵒，憑之者蹶。小爾雅：巢，高也。爾雅：大笙謂之巢。鄉
射禮疏：引孫炎注云：巢，高大也。說文：鳥在木上曰巢。
又云：樸，澤中守草樓也。輶兵車高如巢。呂望敵也。引
成十六年左傳：楚子登輶車，合言之，則曰嵒巢。淮南
子：叔真訓：譬若周雲之龍，從遠巢義與嵒巢同。嵒，各
本訛作嵒。今訂正。隋者，說文：隋，陵也。楚辭：九章云：上
高巖之隋岸兮，擬亦隋也。方俗語有輕重耳。邵者，說
文：邵，高也。法言脩身篇云：公儀子董仲舒之才之邵。
也。水經：汝水注云：汝水枝津東南逕召陵縣故城南。
春秋左傳：齊桓公師于召陵，卽此處也。闕駟曰：召者
高也。其地邱墟，井淺數丈，故以名。賈義亦與邵同。邵
各本訛作邵。今訂正。亢者，王肅注：乾卦云：窮高曰亢。
厲者，說文：巘，巍高也。讀若厲。厲與巘通。呂氏春秋：恃

君覽厲人主之節高誘注云厲高也淮南子脩務訓云故君子厲節亢高以絕世俗劉歆遂初賦云天烈烈以厲高兮厲與高同義故泉陶謨庶明厲翼史記夏紀作衆明高翼矣爾者方言彌高也義見卷一彌上也下凡高與大義相近高謂之岑猶大謂之岑也高謂之崑猶大謂之魏也高謂之彌猶大謂之樊也崑者玉篇音才律切字亦作卒爾雅云崑者座屨說文云崑危高也小雅十月之交篇山豕崑崩漸漸之石篇維其卒矣鄭箋竝云崑者崔崑崔崑崑危座屨聲相近皆變崑之轉也

𡵓侑儷諧耦也

侑者說文嬀耦也或作侑儷者成十一年左傳舅獸猶不失儷杜預注云儷耦也字通作麗又作離

州郡縣道都鄙邦域邑國也

州郡縣者說文州疇也各疇其土而生之也州有二名堯典肇十有二州禹貢九州攸同此大名也周官大司徒五黨爲州鄭衆注載師引司馬法云王國二百里爲州僖十五年左傳晉作州兵此小名也釋名

云縣縣也縣係於郡也郡羣也人所羣聚也郡縣亦
有大小之分逸周書作維解云方千里分以百縣縣
有四郡哀二年左傳上大夫受縣下大夫受郡是古
者縣大而郡小也秦策云宜陽大縣也名爲縣其實
郡也史記秦始皇帝紀分天下以爲三十六郡則郡
大而縣小矣又周官小司徒四甸爲縣遂人五鄙爲
縣齊語三鄉爲縣皆同名而異制道者漢書百官公
卿表云縣有蠻夷曰道都鄙者鄭注大宰云都鄙公
卿大夫之采邑王子弟所食邑也釋名云國城曰都
都者國君所居人所都會也鄙否也小邑不能遠通
也以小司徒云四縣爲都鄭衆注載師引司馬法云王
國四百里爲縣五百里爲都莊二十八年左傳云凡
邑有宗廟先君之主曰都無曰邑鄭風千旄傳云下
邑曰鄙蔡仲之命正義引馬融注云鄙邊邑也邦者大
宰注云大曰邦小曰國邦之所居亦曰國釋名云邦
封也封有功於是也邦各本訛作邨衆經音義卷二
十三引廣雅邦域國也今據以訂正域者說文或邦
也或作域又云國邦也或域國三字古聲義
竝同邑者釋名云邑猶俛也聚會之稱也

擣挈揮提也

揮者說文揮提持也讀若行遲驛驛大元盛次五云何福滿肩提禍揮揮揮與提一聲之轉釋器篇云提謂之彈提之轉爲彈猶提之轉爲揮矣

剏刑剏剏也

剏者吳語自剏於客前賈逵注云剏剏也刑者說文刑剏也

剏剏剏剏也

剏者廣韻剏剏裏也剏者玉篇剏剏也案剏剏皆空中之意說文剏穿木戶也一日空中之兒孟康注漢書石奮傳云東南人謂懸木空中如曹謂之除廣韻剏剏除三字並度侯反義相近也剏亦剏也聲有多斂耳說文剏挑取也一日窰也

孕重妊娠身嫻傷也

重者大雅大明箋云重懷孕也說苑脩文篇云取禽
不麝卵不殺孕重者漢書匈奴傳云孕重墮殯妊者
說文妊任身裏孕也漢書律歷志云懷任於王任與
妊通娠者爾雅娠震動也郭璞注云娠猶震也說文
娠女妊身動也引哀元年左傳后緡方娠大雅生民
篇載震載夙震與娠通身亦傷也大明篇大任有身
毛傳云身重也媯者說文媯婦人妊身也引梓材至
于媯婦今本作屬廣韻引崔子玉清河王誄云惠於
媯媯

偁獎詭與孝譽也

偁通作稱詭亦稱也方俗語轉耳莊十四年左傳繩
息媯以語楚子杜預注云繩譽也釋文繩說文作詭
逸周書皇門解云是陽是繩呂氏春秋古樂篇云周
公旦乃作詩以繩文王之德並與詭通與猶譽也鄭
注射義云譽或爲與孝者孝經正義引援神契云卿
大夫行孝曰譽謂言行布滿天下能無怨惡遐邇稱
譽是榮
親也

見奕裕心形容也

見奕形爲容兒之容裕爲寬容之容
兒與貌同奕說見釋訓奕奕容也下

慶蔽潛匿恩遁隱也

慶者方言慶隱也晉語有秦客慶辭於朝韋昭注與
方言同文十八年左傳服譏蒐隱服虔注云蒐隱也
蒐與慶通慶訓爲隱故隈隱之處謂之慶楚
辭九歎步從容於山慶王逸注云慶隈也

僭忒乖屨差也

跌

僭忒者大雅抑傳云僭差也爾雅爽差也爽忒也郭
璞注云皆謂用心差錯不專一洪範云民用僭忒乖
者舛之差也楚辭七諫吾獨乖刺而無當兮王逸注
云乖差也九歎云君乖差而屨之屨者襄二十六年
左傳自上以下降殺以兩謂有等差也卷二云屨殺
衰減也衰差一聲之轉屨與降通跌之言失也莊二
十二年公羊傳肆者何跌也何休注云跌過度也穀
梁傳跌作失賈子容經篇云所不差而足不跌漢書

朱博傳云常戰栗不敢蹉跌蹉與差跌與失並字異而義同說文朕骨差也讀若跌義亦與跌同文選解嘲注思元賦注並引廣雅蹉差也衆經音義卷八卷十卷十二卷十七引廣雅並與文選注同今本脫蹉字

類圖彫刻畫也

類者周語成公之生也其母夢神規其臂以墨韋昭注云規畫也規與類通

歿釋結冬終也

釋者說文歿終也白虎通義云九月謂之無射何射者終也言萬物隨陽而終當復隨陰而起無有終已也揚雄勛奏美新云神歇靈釋續漢書天文志注引張衡靈憲云神歇精數數釋射並通爾雅射厭也厭與終義亦相近凡事終謂之釋終其事亦謂之釋莊氏寶琰曰周書梓材若作室家既勤垣墼惟其塗墍茨若作梓材既勤櫟斲惟其塗丹牖正義云二文皆言數即古塗字賈昌朝羣經音辨數塗也音徒引書

惟其數堅矣集韻類篇引書數丹腹又和懌先後迷
民用懌先王受命釋文云懌字又作數下同據此知
古文尚書塗與懌皆作數數堅矣數丹腹用數先王
受命此三數字皆當訓爲終正義云室器皆云其事
終而考田止言疆畝不云刈穫者田以一種但陳脩
終至收成故開其初與下二文互也義本明白以作
爲傳者讀數作塗又傳會以爲數卽古塗字明其終
而塗飾之然賴此尚知古文本作數字後人從傳矣
改耳暨茨丹腹爲室器之終事以喻周自文武受命
至作洛迄殷致刑瘞而後其事克終故曰皇天既付
中國民越厥疆土于先王又曰用數先王受命也大
誥曰于曷其不于前寧人圖功攸終又曰于曷敢不
終朕畝皆此意也其和數先後迷民之數則當訓爲
悅悅作僞傳者并下句數字亦訓爲悅失之矣冬者說
文冬四時盡也從久久聲久古文終廣韻引尸子云
北方爲冬冬終也漢書律歷志云冬終也物終藏乃

揄墮剥免脫也

揄墮者方言揄指脫也又云輪挽也郭璞注云挽猶脫耳枚乘七發云揄弃恬怠輪寫渙獨揄輪聲相近矣揄與墮通剝者馬融注剝卦云剝落也

酺醵吸泔飲也

酺者說文酺王德布大飲酒也周官族師春秋祭酺鄭注云酺者爲人物裁害之神也族無飲酒之禮因祭酺而與其民以長幼相獻酬賁周頌良耜正義云因祭酺聚錢飲酒故後世聽民聚飲皆謂之酺史記趙世家云置酒酺五日文穎注漢書文帝紀云漢律三人以上無故羣飲酒罰金四兩今詔橫賜得令會聚飲食五日也酺者禮器周禮其猶醵與鄭注云合錢飲酒爲醵王居明堂之禮仲秋乃命國醵史記貨殖傳云歲時無以祭祀進醵飲食泔者說文泔飲飲也杜子春注小宗伯讀泔爲泔今俗語猶謂嘗酒爲矣泔

師尹工官也

師者周官天官注云師猶長也地官注云師之言帥也爾雅尹正也郭璞注云謂官正也周頌臣工傳云工官也洪範云師尹惟日皋陶謨云庶尹允諧堯典云允釐百工

曰室經實也

月令正義引春秋元命包云日之爲言實也說文曰實也大陽之精不虧從口一象形又云室實也釋名云物實滿其中也檀弓云經也者實也喪服注云經之言實也明孝子有忠實之心

貫增誅累也

貫者說文毋穿物持之也貫錢貝之貫也樂記云累累乎端如貫珠楚辭離騷貫薜荔之落葉王逸注云貫累也累與累同字亦作糸又作壘增與層通說見上文增壘重也下誅有二事一爲累德行以求福一爲累德行以作誡說文誅誼也又云誦誦也累功德曰求福也引論語述而篇誦曰禱爾于上下神祇或作譖今本作誅周官大祝六辭六曰誅鄭衆注云誅謂積累生時德行以賜之命或曰論語所謂誅曰誅

爾于上
下神祇

承受韶繼也

受者序卦傳云故受之以屯是受為繼也韶者樂記
韶繼也鄭注云韶之言紹也言舜能繼紹堯之德正
義引元命包云舜之時
民樂其紹堯業故曰韶

趙殊撥粹絕也

趙者漢書孔光傳云非有蹕絕之能班固典引云冠
德卓絕字竝與趙通殊者昭二十三年左傳云斷其
後之木而弗殊漢書宣帝紀骨肉之親祭而不殊顏
師古注云殊絕也撥者大雅蕩篇本實先撥鄭箋云
絕猶
絕也

護戶挾護也

護者春秋繁露楚莊王篇云湯之時民樂其救之於
患害也故曰護護者救也白虎通義云湯曰大護者
貴能庇登
家言四下

言湯承衰能護民之急也護與護通戶者說文戶護也釋名云所以謹護閉塞也挾者上文云挾輔也方言言挾護也郭璞注云扶挾將護

《儒謹優茹柔也》

《儒者》雜卦傳云乾剛坤柔坤與《儒》同儒者說文儒柔也鄭氏禮記目錄云儒之言優也柔也能安人能服人也謹優者前卷一云謹優善也說文優牛柔謹也玉篇云尚書優而毅字如此周官大宰以優萬民鄭注云優猶馴也謹優優並通史記夏紀優而毅徐廣云優一作柔漢書高祖紀劉累學優龍應劭云優音柔優柔聲義並同故古亦通用茹者楚辭離騷攬茹蕙以掩涕兮王逸注云茹柔爽也韓子亡微篇云柔茹而寡斷漸涇之地謂之沮洳義亦相近也

《穠補粉稭穢也》

補者玉篇音扶甫切廣韻又芳無博孤二切卷一云補積也聘禮記注云宮穢名也今涑易之閔刈稻聚

把有名爲筥者疏云筥穧一也卽今人謂之一鋪兩鋪也管子度地篇云當秋三月利以疾作收斂毋畱一日把百日鋪鋪並與補通粉者廣韻粉穧穧也管子立政篇云歲雖凶旱有所粉穧說文穧穧刈也一日撮也撮卽所云刈稻聚把也

礪礪罰伐也

礪之言撻也說文撻投也史記律書云北至於罰罰者言萬物氣奪可伐也卷一云罰伐殺也

輶般旋還也

輶者廣韻輶還也車相避也般者爾雅般還也郭璞注引左傳般馬之聲今傳作班僖三十二年公羊傳注云班者布徧還之辭班與般通

明覺赫發也

明義見上文發明也下覺者說文覺發也史記高祖紀云趙相貫高等事發覺赫者方言赫發也

解長勅挾也

詳未

誣辜劓刑也

辜者說文模法也辜規也辜與模通劓者鼎九四其刑渥虞翻注云渥大刑也釋文渥鄭作劓周官司烜氏邦若屋誅鄭注云屋讀如其刑劓之劓劓誅謂所殺不於市而以適甸師氏者也漢書敘傳底劓鼎臣服虔注云周禮有屋誅誅大臣於屋下不露也劓渥屋竝通

糞糞漫饒也

糞之言肥饒也月令云可以糞田疇糞者方言糞饒也糞與糞通漢書禮樂志郊祀歌后土富糞昭明三光張晏注云坤為母故稱糞吳仁傑兩漢刊誤補遺云糞當作燿字書溫有兩義一日烟燿天地合氣也一日鬱煙也富燿以烟燿為義后土富燿昭明三光即賈誼新書天清澈地富燿物時執之意晏說謬矣

絳際期會也

絳者衛風淇奧篇會弁如星鄭箋云會謂弁之縫中集韻云縫或省作絳

宿次低施舍也

宿次低爲舍止之舍施爲放舍之舍低讀爲氏說文氏至也漢書尹翁歸傳盜賊所過抵賴師古注云抵歸也所經過及所歸投也文帝紀注云郡國朝宿之舍在京師者率名邸邸至也言所歸至也義並與氏同施者周官大司徒云舍禁弛力弛與施同

程見經示也

案吳所引賈詒新書見禮篇娼娼娼並與繼通史記高祖紀索隱引班固泗水亭長碑娼娼娼字作溫集韻娼娼娼浩切又於云鳥昆委隕紆問四切是娼娼娼同娼娼娼后土富娼娼地富娼娼皆謂生植饒多也吳說富娼娼以娼娼爲義亦未確娼娼者說文娼娼澤多也引小雅信南山篇既娼娼既渥今本作優說文娼娼饒也義與娼娼同

程文選南都賦致飾程璽李善注引
廣雅程示也示各本訛作不今訂正

隸申休伸也

引

隸者信三十年左傳又欲隸其面封杜預注云隸申也申與伸通字又作信說文申神也七月陰氣成體自申東也吏曰舖時聽事申旦政也神與伸亦同義故風俗通義引傳曰神者申也伸者繫辭傳云往者詘也來者信也來與伸通說文伸引也引與伸同義養與伸古亦同聲引者漢書律歷志云引者信也文選長笛賦注引廣雅引伸也今本脫引字

佻抗絰縣也

佻抗者方言佻抗縣也趙魏之間曰佻佻自山之東面曰抗燕趙之郊縣物於臺之上謂之佻郭璞注云了佻縣物貌丁小反今俗語謂縣物為弔聲相近也絰者楚辭九章心絰結而不解兮王逸注云絰縣也文選潘岳悼亡詩注引廣雅作絰

韞圍裝包幪褱也

韞者論語子罕篇韞匱而歲詣鄭注云韞褱也
幪亦韞也下文云幪褱也廣韻云幪褱相著

扞搢對揚也

扞搢者方言扞搢揚也郭璞注云謂播揚也卷一云
扞與張也扞與扞與與搢聲義並相近扞各本訛作
扞今訂正對揚者大雅
江漢篇云對揚王休

奉箋表詔簡條記敕標諫檄誓也

奏者獨斷云凡羣臣上書於天子者有四名一曰章
二曰奏三曰表四曰駁議說文奏進也箋者說文箋
表識書也表者釋名下言於上曰表思之於內表施
於外也詔者獨斷云天子命令一曰策書二曰制書
三曰詔書四曰戒書詔誥也釋名詔照也人暗不見
宜則有所犯以此照示之使昭然知所由也簡者說
文冊符命也諸侯進受於王也古文作簡通作策聘
禮記云百名以上書於策不及百名書於方獨斷云

竝音徒皓反其義同也。馭之言天天然也。左思吳都賦并木馭蔓李善注引廣雅馭長也。禹貢厥草惟天馬融注云天長也。義與馭同。淮南子主術訓奇材侏長而干次文子上義篇佻作天佻與馭天與馭亦同。義堅者逸周書謚法解云堅長也。

剝則割剝截也

髮

剝則割剝並見卷一則割截剝剝斷也。下剝各本作則剝。隸變作則。因譌而爲剝。今訂正。髮者說文髮剝髮也。衆經音義卷二引廣雅髮截也。今本脫髮字。

札鱗檢甲也

札各本譌作禮。段氏若膺云。成十六年左傳躡甲而射之。徹七札焉。太元元掇云。比札爲甲。是甲謂之札也。札譌作禮。故又譌作禮。今依段說訂正。檢謂檢押也。說文挾檢押也。法言君子篇蠢迪檢押。李軌注云。檢押猶隱括也。續漢書五行志注引杜林疏云。檢押其姦宄。押押竝與甲通。

孝備九究也

孝者孝經正義引援神契云士行孝日究當須能明審資親事君之道是能榮親也備者書大傳云備者成也成與究同義九者說文九陽之變也象其屈曲究盡之形列子天瑞篇云一變而爲七七變而爲九九者變之究也易乾鑿度同漢書律歷志云黃鍾律長九寸九者所以究極中和爲萬物元也

補合棺九完也

合各本訛作令今訂正棺者白虎通義云棺之爲言完所以藏尸令完全也

襲倚因也

階

襲者中庸下襲水土鄭注云襲因也字通作習金縢乃卜三龜一習吉傳云習因也倚者說文倚依也依與因同義階者小雅巧言篇職爲亂階繫辭傳亂之所生也則言語以爲階階猶因也文選博奕論注引廣雅階因也今本脫階字

盈滿釋充也

釋者方言釋尋長也周官之法度廣爲尋幅廣爲充說文充長也是充與釋同義太元少上九云密雨真沐潤于枯瀆三日射谷射谷謂滿谷也射與釋通

奸交敢犯也

各本犯下皆有耻字案耻字本在下條與奸交敢犯四字義不相近後人傳寫誤入此條耳考奸交敢犯字諸書皆訓爲犯不訓爲耻又衆經音義卷九卷二十三竝引廣雅陵犯也陵與交通今據以訂正奸通作干敢者廣韻敢犯也吳語云吳王夫差使行人奚斯釋言於齊曰寡人帥不腆吳國之役遵汶之上不敢左右唯好之故也韋昭注以爲不敢左右暴掠齊民失之

耻紫屨鉅幘鞶也

耻者釋名云屨耻也言折耻也卷一云折鞶曲也上文云鞶耻也是耻與鞶皆耻折之意故耻訓爲鞶黃雅流登

也釋言云𦨇縮也縮與輦亦同義展者說文展轉也
展轉亦𦨇曲之意鉗各本訛作𦨇玉篇廣韻集韻類
篇並引廣雅鉗輦也淮南子脩務訓云劍或留缺卷
鉗卷與輦通今據以訂正𦨇者上文云𦨇裏也裏與
輦一聲
之轉

慎必戴敕也

慎者說文慎謹也謹與敕同義必當爲𦨇酒詰厥詰
𦨇庶邦庶士汝劼𦨇股獻臣汝典聽朕𦨇皆戒敕之
意也戴者方言戴敕戒備也文十七年左傳寡
君又朝以戴陳事賈逵注云戴勅也勅與敕通

粗雜錯廁也

粗者說文粗雜飯也鄉射禮記云以白羽與朱羽糝
糝與粗同雜者文選秋興賦注引倉頡篇云廁雜也
錯者楚辭天問九州安錯王逸注云錯廁也

廣汜撰素博也

換者楚辭招魂結撰至思王逸注
云撰猶博也素者方言素廣也

踦際邊厓旁賺偏脅方也

踦之言偏倚也爾雅馬前左足白踦說文踦一足也
又云換偏引也襄十四年左傳云譬如捕鹿晉人角
之諸戎持之成二年公羊傳相與踦間而語何休注
云門閉一扇開一扇一人在外一人在內曰踦間是
凡言踦者皆在旁之義也說文騎車旁也義亦與踦
同厓隙二字說見卷一賺厓方也下厓各本訛作厓
今訂正脅者說文脅兩膊也襄二十三年左傳賈逵
注云軍左翼曰啟右翼曰肱釋文肱徐音脅司馬彪
注莊子肱篇云從旁開為肱義竝與脅同方亦旁
也大射儀云下曰雷上曰揚左右曰方士喪禮注云
今文旁
為方

觸目塘敔衡揆也

堀

塘者後漢書桓帝紀云水所厓突厓與塘揆通數
者報經音義卷三引三倉云敔撞也卷十四引字苑

廣雅疏證

卷第四下

云振賑也謝惠連祭古冢文以物振振之李善注云
南人誤以物觸物爲振敵振竝與救通掘者說文掘
突也玉篇引倉頡篇云頤相抵觸也義與掘相近文
選風賦掘堞揚塵李善注引廣雅掘突也今本脫掘
字

刻窮歉灾貧也

歉者襄二十四年穀梁傳云一穀不升謂之嗛韓詩
外傳作饑廣雅釋天作歉竝字異而義同灾者說文
灾貧病也引周頌閔予小子篇災災在灾今本作灾
釋文灾本又作灾大雅召旻篇維管之富不如時維
今之灾不如茲釋文灾字或作
灾灾與富對言是灾爲貧也

灾炭燂燂燂也

灾者釋名云火所燒滅之餘曰灾灾與灾同燂者管
子弟子職篇燂之遠近乃承厥火尹知章注云燂謂
燭盡也與燂通燂與燂通字亦作燂又作燂說文燂
火餘木也方言自關而西秦晉之間炊薪不盡曰燂

大雅柔柔篇具禍以燼釋文云本亦作畫各本畫訛作畫今訂正燼者說文燼焦也衆經音義卷九引倉頡篇云燼燒木餘也

燼者說文燼燭畫也

燼燼燼燼

燼者漢書楊惲傳烹羊炰羔顏師古注云炰毛炙肉也卽今所謂燼也齊民要術作燼魚脯法云草裏泥封燼灰中燼之說文鑊溫器也鑊與燼溫與燼竝同義今俗語猶云燼肉矣燼者說文燼炮炙也呂微火溫肉也卷二云表燼也表與燼同燼者說文燼盆中火也衆經音義卷四引通俗文云熱灰謂之燼燼秦策云燼燼炭今俗語猶謂燼火爲燼燼燼燼燼皆一聲之轉也燼者玉篇燼燼火燼也燼與燼同

歎噤咽哕吟嘔欲歐設吐也

歎者玉篇歎口含物歎散也莊子秋水篇云噴則大者如珠小者如霧噴與歎同哕者說文哕不嘔而吐也廣韻云小兒歐乳也設者說文設歐兒也引哀二十五年左傳君將設之徐鍇傳云心惡未至於歐因

設出之也

埶膽賊陷也

埶者說卦傳云坎陷也坎釋文云坎本亦作埶京劉作飲竝字異而義同賊各本訛作賊說文賊目陷也集韻引廣雅賊陷也今據以訂正埶賊陷聲竝相近

庸資由以用也

庸由以一聲之轉盤庚云弔由靈

齊慙秋愁也

齊者方言濟憂也陳楚或曰濟濟與齊聲近而義同慙者陳風月出篇勞心慙兮釋文云慙憂也重言之則曰慙慙義見釋訓玉篇慙音蘇勞切史記屈原傳離騷者猶離憂也騷與慙亦同義秋者春秋繁露陽尊陰卑篇云秋之爲言猶湫湫也湫湫者憂悲之狀也慙秋愁聲竝相近

朦厖穰豐也

朦厖者方言朦厖豐也自關而西秦晉之間凡大貌謂之朦或謂之厖豐其通語也小雅大東篇有餘簋殮毛傳云餘滿簋貌義與朦相近朦各本訛作朦今訂正爾雅厖大也商頌長發篇爲下國駿厖毛傳云厖厚也義竝與豐通穰者商頌烈祖篇云豐年穰穰

楷由品式也

楷者老子云知此兩者亦楷式各本訛作楷今訂正由者王風君子陽陽傳云由用也爾雅式用也方言由式也義竝相通品者漢書宣帝紀云品式備具

晚殿背尻負後也

負與背古聲相近故皆訓爲後明堂位天子負斧依鄭注云負之言背也爾雅邱背有邱爲負邱

莠菸矮慈也

皆一聲之轉也。莠者說文莠莠也。大戴禮用兵篇草
 木殤黃殤與莠同。莠者說文莠莠也。楚辭九辯云菜
 於邑而無色兮。又云形銷鑠而疾傷。疾與莠同。莠者
 說文莠病也。小雅谷風篇云無木不萎。萎與莠亦同。
 衆經音義卷十云今關西言於山東言莠。江南言莠
 慈者玉篇云敗也。萎慈也。說文胥目無明也。宣十二
 年左傳目於胥井而拯之。釋文引字林云胥井無水
 也。唐風山有樞篇宛其外矣。毛傳云宛外貌。義與慈
 近。竝相

沃錡堪輜輶低也

錡者說文錡矛戟柲下銅錡。引素風小戎篇各矛沃
 錡字亦作鐵。鄭注云銳底曰錡。取其錡地平底曰鐵。取其
 前其鐵。鄭注云銳底曰錡。取其錡地平底曰鐵。取其
 鐵地高誘注淮南子說林訓云錡讀輶。輶首之輶皆低
 下之意也。輜輶者說文輜重也。輶抵也。抵與低通。士
 衣禮記志矢一乘。軒輜中。鄭注云輜輶也。小雅六月
 篇如輕如軒。毛傳云輕輶也。考工記輅人大車之輅
 輶。鄭注云輶輜也。淮南子人閒訓云置之前而不輶

騫旅裨客也

騫寄

錯之後而不軒，輕輦輦輦，竝通前頓，謂之蹶，義與輦亦相近也。輦，即輦之轉也。字通作周。春秋宋公孫周，字子高，取相反之義也。韓非子說林篇，鳥有周周者，車首而屈尾，將欲飲於河，則必顛屈尾，則後易叩重首，則前易俯，故有周周之目矣。前者說文，前下首也。周官大祝辨九摯，一曰誥首，誥與顛同。經傳通作稽。

象狄鞮閒訖課鄧置行李關驛也

騫者，衆經音義卷四引字林云：寄客爲騫，字通作僑。韓非子亡微篇云：騫旅僑士，衆經音義又引廣雅：騫旅，騫客也。卷十六引廣雅：騫，寄客也。卷二十引廣雅：騫旅，騫客也。今本脫騫寄二字。

皆傳驛之義也。方言：譯，傳也。郭璞注云：傳，宣語也。爾雅：駟，遽，傳也。注云：皆傳車驛馬之名。玉篇云：驛，譯也。二者皆取傳遞之義，故皆謂之驛。象狄鞮者，周官大行人七歲屬象胥，諭言語，協辭命。鄭衆注云：象胥，譯官也。大戴禮小辨篇云：傳言以象反舌，皆至王制五方之民，言語不通，嗜欲不同，達其志，通其欲，東方曰

寄南方曰象而方曰狄鞮北方曰譯鄭注云皆俗閒
之名依其事類耳鞮之言知也今冀部有言狄鞮者
呂氏春秋慎勢篇云凡冠帶之國舟車之所通不用
象譯狄鞮方三千里淮南子齊俗訓雖重象狄鞮不
能通其言高誘注云象狄鞮譯也騾與鞮通閒說
者爾雅閒倪也郭注云左傳謂之謀今之細作也說
文謀軍中反閒也大戴禮千乘篇云以中情出小曰
閒大曰謀卷三云說閒視也說字亦作偵同閒謀之
人以此國之情告於彼國故亦謂之騾也鄭置者說
文鄭竟上行書舍也騾置騎也孟子公孫丑篇云速
於置郵而傳命行李者僖三十年左傳行李之往來
杜預注云行李使人也正義引周語行李以節逆之
賈逵注云理吏也小行人也理與李通行
李所以傳命關所以通往來故皆謂之騾

六月初四日未刻點竟早間雨午後酷暑

廿五日已刻校雠

廣雅疏證卷第四下